

# कोन्छ्योककी यूहन्नाला नङ्गुप

## ज्यल्का

### दी थेपकी कोर्ला

दी यिकी ति यूहन्नाला छ्यरुप कोन्छ्योककी छ्याकला वोतुप ताम्डेतिवा यिन। ती पेला ख्रीष्टियानतिवा छासे छेटाड ताड दुक्पाला ख्येल्लोक। च्यिलासिसिन तिवी येशू ख्रीष्टला रङ्गी चोवो यिन सिनी तेपा क्यानोक। दी ताम्डे ति ती काले वोतुप पेला टिवु यिन। खक्छ्येवुला खोरो टिवु यिकी रोकुपतिवाला यूहन्नाकी रेवा ताड डाडेड तेरुपला ताड तिवाला दुक्पा ताड छेटाडला तेपा रम्बु क्यानी दे गोकिवी सिनी सिक्का वे।

दी थेपला वोतुप माङ्शोक लोप्च्येनतिवा ताड ठछ्येली हाक्कोवु ताम्डेतिवा ति ततिवाला छ्या तेन वे। दुका त ति ती पेलाकी ख्रीष्टियानतिवा हाक्को थुप्किवी, यिने यम्बातिवाला ति हाक्कोवु कले गिनोक। दी थेपकी नाङ्गला कोन्छ्योककी छ्याकला वोतुप ताम्डेतिवा रिम्बा क्यानी कुतुक कुतुक येलुड येलुड लोक्कुर ग्यप्नी वे। मी बडीकी दी थेपकी तेन्दोक कुतुक कुतुक वोतुप थोङ्गिगी, यिने खक्छ्येवु तेन्दोक ति ठछ्येली वे। ती ति कोन्छ्योककी चोवो येशू ख्रीष्ट नेसुर शैतान ताड खोकी डतिवा तेरीला नरीकी थोक्ला ना तोङ्गिगी, तमा खोकी नम पेला ग्येला क्या नङ्गिगे, ती पेला खोला तेपा कितुपतिवाला छ्यक्तक ति देवाच्येन सम्बा ताड जम्बुलिङ सम्बाकी मोलाम नङ्गिगी।

### मुला राड वोतुप लोप्च्येनतिवा

- यिकीकी कोर्ला १:१-८
- थल्माकी छ्याकला वोतुप कोन्छ्योककी ताम्डे ताड चर्च दिनला यिकी १:६-३:२२

- लज्युर दिनतिवा वोतुप बिटप ४:१-८:१
- ग्येलिङ दिनतिवा ८:२-११:१६
- डुक ताङ सेम्ज्येन ड्यीतिवा १२:१-१३:१८
- कोन्छ्योककी छ्याकला वोतुप ताम्डे नम्बा कुतुकतिवा १४:१-१५:८
- कोन्छ्योककी पर्च्याकी कोरा दिन १६:१-२१
- बेबिलोनला तेन तङ्गुप, सेम्ज्येन फम्बुप, लुङ्तेम्बा मेटेङ्बु ताङ शैतान  
१७:१-२०:१०
- तिङ्मी ठिम २०:११-१५
- देवाच्येन सम्बा, जम्बुलिङ सम्बा ताङ यरूशलेम सम्बा २१:१-२२:५
- सिन्दा क्यावु २२:६-२१

१ दी थेप नाङ्ला वोतुप ताम्डेतिवा ति येशू ख्रीष्टकी हाक्को च्यितुप ताम्डे यिन। कोन्छ्योककी खोला शब्ज्यी कितुपतिवाला दी जम्बुलिङला डमु राङ च्युङ्गुप ताम्डेतिवी कोर्ला हाक्को ज्यितुपला खोरे सेवु येशू ख्रीष्टला दी ताम्डे ति सुङ्गुप यिन। तमा येशूकी देवाच्येनकी लेन क्योलुप थु च्यिक यूहन्नाकी चाला ताङ्नी ती तेरी ताम्डेतिवा यूहन्नाला ठछ्येली हाक्को च्यिसुङ। २तमा यूहन्नाकी खोरो थोङ्गुप कोन्छ्योककी सुङ ताङ येशू ख्रीष्टकी पङ्बु नङ्गुप ताम्डेतिवा तेरी शेसुङ। ३मीतिवाला दी थेपकी नाङ्ला वोतुप कोन्छ्योककी लुङ्तेम्बाकी सुङतिवा रानी तेरुप मी ताङ दी सुङतिवा ड्येन्दुप मीतिवा ताङ ती सुङला सिक्खावु दोके कयानी मिजी क्योङ्गुप मीतिवाला मोलाम थोपुप यिनो। च्यिलासिसिन दी थेप नाङ्ला वोतुप ताम्डेकी तुजे ति डमु राङ छेकिवी।

### चर्च दिनकी मीतिवाला यूहन्नाकी टसी देलेक

४ एशिया लुङ्बाकी चर्च दिन्करला वोतुप तेपा कितुप मीतिवाला ड यूहन्नाकी छ्योक नेमा टसी देलेक! थल्माला ज्यु वोतुप ताङ तसाम साङ ज्यु वोतुप ताङ तिङ्ला फेपुप चोवो कोन्छ्योक नेमा ख्यिराङला

कटिन ताङ लोदिमु वुङ्गिशता। खोकी ग्येल्ठिककी दोङ्ला वोतुप थु दिन्कर नेसुर साङ कटिन ताङ लोदिमु वुङ्गिशता। ५तमा पङ्बु टेङ्बु वोतुप ताङ तेरी सिनाङ थल्माला शेष ने डोसु लङ्गुप जम्बुलिङकी ग्येल्वी खकी ग्येल्वु येशू ख्रीष्ट नेसुर कटिन ताङ लोदिमु वुङ्गिशता।

येशू ख्रीष्टकी दाक्पुला ड्यिङ्ज्ये कया नङ्गुप ताङ खो ग्यङ्गिशङला टुङ्नी खोकी ठक नेसुर दाक्पी दिक्पा ता च्यिसुङ। ६तमा दाक्पुला खोकी ग्येल्खापकी मीतिवा जोनी पपा कोन्छ्योककी थोक्ला शब्ज्यी कितुप कोङ्ग्यार जो नाङ्सुङ। खोला राङ नरीकी नरी मोवा ताङ ओङ्ग्येन वुङ्गशी। आमिन।

७ ल्होसा, खो मुक्पी ख नेमा फेक्कितो।

खो फेवु ति मी तेरीकी मिक्की थोङ्गितो।

खोला दुङ सुरुप मीतिवी साङ खो फेवु ति थोङ्गितो।

तमा जम्बुलिङला वोतुप तेरी मिरिककी मीतिवा खो फेपुप तप्की डुप्राङ कितो।”

तुकै राङ वुङ्गिशता। आमिन।

८ “ङ ति अल्फा ताङ ओमेगा यिन।”<sup>१</sup> सिनी तेरी सिनाङ चोछ्ये वोतुप चोवो कोन्छ्योककी सुङ्नी वे। खो हारिङ ज्यु वे, थल्माला साङ

१:८ तीकी तेन्दोक ति जम्बुलिङकी थल्मा ताङ तिङ्मा ति ड राङ यिन।

ज्यु वोतुप यिन, लोड तिङ्ला साड फेक्किवी।

### यूहन्नाला येशूकी छ्यरुप

६ड यूहन्ना ति ख्यिराड दोके येशू ख्रीष्टला तेपा कितुप अच्यु यिन। ड साड ख्यिरा मुला राड खोकी ग्येल्खापला दे छ्योवु च्युङ्गुपला छेटाड दुडल खुरुप ताड हम क्यानी देनी वे। डे कोन्छ्योककी सुड ख्याप्टाक क्यावु ताड येशू ख्रीष्टकी थोकला पड्बु बिन्दुप तप्की छ्येर्पा बिन्नी ग्येम्छो पर्ला वोतुप पत्मोस सिरुप ग्येम्छो परकी स कम्बुलां वोतुप पेला १०ते चोवोकी ड्रियमाला कोन्छ्योककी थु चाङ्मा डला फेप्नी ड खोकी ओडला वोतुप पेला कशेन क्यानी ग्येलिड पुवु दोके वोरु ग्येर्पु ग्यप्सुड। तमा डे तिङ्ला दुक सिरुप वोरु यी थोसुड। ११“ख्योरो काड थोङ्गुप ति थेप च्यिककी नाङ्ला टिनी एफिसस ताड स्मुर्ना ताड पर्गामम ताड थिआटीरा ताड सार्डिस ताड फिलाडेल्फिया ताड लाउडिकिया चर्च दिन्करला तोड।”

१२डला तुक सिनी ताम्डे लपुप तीला लहाप सिनी डे तिङ्ला ग्युर्नी लहासालेन्सिन शाप च्यिक राड वोतुप सेरकी मेलाड दिन चोके नोक। १३तमा ती सेरकी मेलाड पर्ला मी सेवु दोके शाप सेक नम्सा नुम्नी छेकोक लोला

सेरकी करा च्यिवु मी मिरा च्यिक वोतुप ति डे थोङ्सुड। १४खोकी गो ताड ज्ह ति वोमा ताड ख दोके कर्मु नोक, खोकी मिक ति मे मेलाप दोके नोक। १५तमा खोकी शापतिवा ति काँसा शितुप दोके वो ग्यकुप ताड खोकी वोरु ति शोतोक ग्यपुप दोके ग्येर्पु नोक। १६तमा खोकी छ्याक यावाला कर्मा दिन चोके जिम्नी नोक। खोकी ख नेमा खुर्पा च्यिक थेन्नोक। ती खुर्पा ति ख ड्यी वोतुप नोक। खोकी शाल ति ड्रियमा शरुप दोके वो ग्यकुप नोक।

१७खोला थोङ्सिमा ड ति शेप दोके गल्नी तला ग्यप्सुड। तमा खोकी छ्याक यावा ति डे खला ज्याक्नी दुक सिनी सुङ्सुड, “ज्यिवा माकी। थल्मा नेज्युनी वोतुप ति ड राड यिन, तिङ्ला सेक नरी लुवु साड ड राड यिन। १८तमा डोसु वोतुप ति ड राड यिन। ल्होसा, ड शिनी साड नरीकी थोकला सेन्बु लानी वे। सुला छ्येर्पा बिन्नी ड्येलाला तोड गोकिवे, ती ओङ्ज्येन ति डला वे। १९तुक क्यानी ख्योरो थोङ्गुप ताड तन्दा च्युङ्गुप ताम्डेतिवा ताड ज्युक्ला काड च्युङ्गुप सिरुप ति तेरी थेप नाङ्ला टिसा। २०दी डे लाक्पा यावाला थोङ्गुप कर्मा दिनकी तेन्दोक ताड ती शाप च्यिक राड वोतुप सेरकी मेलाड दिनकी छ्याकला वोतुप तेन्दोक ति

१:६ तीकी तेन्दोक ति टापू यिन।

ड ख्युरुडला सिरिन, कर्मा दिन ति चर्च दिनकी थोक्ला लेन क्योलुप देवाच्येनकी थुतिवा यिन। तमा मेलाड दिन ति चर्च दिनतिवा यिन।”

### एफिससकी चर्चला टोङ्गु बिन्दुप

२ येलुड खोकी डला दुक सिनी सुङ्सुड, “एफिससला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

‘लाक्पा यावाला कर्मा दिन लानी शाप च्यिक राड वोतुप सेरकी मेलाड दिनकी पर्ला युक्पुप तीकी सुङ्गुप यिन। २ख्योरो क्यावु लाकातिवा ताड ख्योरो हुर्ताक क्यावु ताड हम क्या देतुप ति डला छ्या वे। मी दुक्टातिवी थोक्ला ख्युरुड हम क्या दे मुथुपी। तमा ड येसूकी लोमा छ्ये यिन सिरुप मीतिवाला ख्योरो ल्यामु मेलोवा ल्हानी तिवा ति लोमा छ्ये मिन, यिने जिनोक जोप मी यिन सिनी तेन्तेन क्यावु साड डला तेरी छ्या वे। ३तमा ख्योरो हम क्या देतुप ताड डे थोक्ला छेटाड खुरुप ताड ख्योरो डला क्युनी माज्यकुप साड डला छ्या वे। ४यिन्सिनाड ख्योरो तेन्दोकला डे सि गोवु ताम्डे च्यिक वे। ती ति काड यिन सिसिन ख्योरो डला गोमाला दोके ड्रियङ्ज्ये कितुप क्युनी ज्याक्सुड। ५तुक क्यानी ख्योरो डला चुक क्यानी ड्रियङ्ज्ये कितुप क्युनी ज्यकुप ती

ति नासाम तोड। तमा ड दिक्छेन यिन सिनी दिक्पा ने ग्युनी ख्योरो गोमाला क्यावु दोके ड्रियङ्ज्ये की। मिसियाड ड ख्यिरा ते वासिमा ख्यिरा पर्ला वोतुप मेलाड ति दासा यम्बाला पोतिनो। तीकी तेन्दोक ति चर्च मेता जोयिनो। ६यिने ख्यिरा लाका च्यिक ति ल्यामु क्या वे। ती ति काड यिन सिसिन डे दोके क्यानी ख्यिरा साड निकोलाइटस सिरुप टेङ्बु मेतुप छोक्पाकी मीतिवी क्यावु लाकाला गा माक्या। ७कोन्छ्योककी थु चाङ्माकी चर्चतिवाला दुक सुङ्नी वे, सी ल्यामो क्यानी हाक्कोवु नोकिवे, तीकी ल्यामो क्यानी ड्येन्शी। सी शैतानकी ओङ्ज्येनला ग्येल्लिगे, तीला कोन्छ्योककी ग्येल्खापकी दुम्डोकला वोतुप मिजीकी दोङ्बी डेलु स ज्यितिन। ती दोङ्बी डेलु साप तीला नाम्साड मिशिवु मिजी थोक्किवी।”

### स्मुर्नाला वोतुप चर्चला टोङ्गु बिन्दुप

६“स्मुर्नाला वोतुप चर्चला ल्हटे कितुप देवाच्येनकी लेन क्योलुप तीला दी ताम्डे ति टिसा।

‘दी ताम्डे ति थल्माला वोतुप ताड तिङ्गला सेक नरी लुवु ताड शिनी येलुड डोसु लावु तीकी सुङ्गुप यिन। ६ख्युरुड छेटाडला ख्येलुप ताड पेराङ्बु वोतुप


ति डला छ्या वे। यिने ख्युरुड याड पेराड्बु मिन, छ्युकपु यिन। ख तिराडकी ड यहूदी यिन सिरुप मीतिवी ख्यिराडला क्येन बिन्नी ख्यिरा तेन्दोकला लावु साड डला छ्या वे। तिवा ति शैतानकी छ्योकपाकी मीतिवा यिन। १० ख्युरुडला ख्येल वुङ्गुप छेटाडकी थोकला ज्यिवा माकी। ल्होसा, शैतानकी खोकपा लहापला ख्यिरा पर्ला ललाइ ललाइला चोन्खाडला ख्येल ज्यितुप छल वोतो। यिन्सिनाड ख्युरुडला ती छेटाड ति ड्यिमा च्यिथम्बा सेक तिराड ख्येल्लितो। ख्युरुड शिता सेक डला तेपा रम्बु क्यानी दे, तमा ड ख्युरुडला नाम्साड मिशिवु मिजीकी छ्यक्तक तेरिनो। ११ कोन्छ्योककी थु चाङ्माकी चर्चतिवाला दुक सुङ्नी वे, सी ल्यामो क्यानी हाक्कोवु नोकिवे, तीकी ल्यामो क्यानी ड्येन्शी। सी शैतानकी ओङ्ज्येनला ग्येल्लिवे, तीला थेङ्मा ड्यिवाला शेषकी साड ना तोड मुथुपी।”

### पर्गाममला वोतुप चर्चला टोङ्गु बिन्दुप

१२ “पर्गाममला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

‘दी ताम्डे ति ख ड्यी वोतुप खुर्पा नेन्बु खुरुप तीकी सुङ्गुप

यिन, १३ ख्यिराड देतुप ग्येसा ति शैतानकी ग्येला कितुप दासा यिन सिरुप ति डला छ्या वे। यिन्सिनाड ख्यिराड डे थोकला तेपा रम्बु क्यानी डेकला देसुड। तमा ख्यिराड देतुप शैतानकी ग्येसाला डे थोकला खोङ्तेर्मु क्यानी पड्बु तेरुप एन्टिपासला सेसिनाड ख्यिरा डला तेपा कितुप क्युर्नी माज्याक। १४ यिन्सिनाड ख्योरो तेन्दोकला डे ताम्डे च्यी सि गोवु वे। ती ति काड यिन सिंसिन ख्यिरा पर्ला ललाइ मीतिवा बालामकी येन्देनला ड्येन्गिवी। ती बालामकी इस्राएल मीतिवाला दिक्पा कि ज्यितुपला ग्येल्वु बालाकला लाप्नी लहला पुलुप समातिवा साप ताड शम्डेन कितुप जोसुड। १५ तुक राड क्यानी निकोलाइटस सिरुप टेङ्बु मेतुप छोकपाकी मीतिवी येन्देनला ड्येन्दुप मीतिवा साड ख्यिरा पर्ला वे। १६ ती तप्की ख्युरुड दिक्पा ने ग्युर। मिसियाड ड ख्योरो ते डमु राड वानी डे ख नेमा थेन्दुप खुर्पा थवोनी ती लाका दुक्टा कितुपतिवी मुला थमु ग्यकिनो। १७ कोन्छ्योककी थु चाङ्माकी चर्चतिवाला दुक सुङ्नी वे। सी ल्यामो क्यानी हाक्कोवु नोकिवे, तीकी ल्यामो क्यानी ड्येन्शी। सी शैतानकी ओङ्ज्येनला ग्येल्लिवे, तीला छ्याकला वोतुप



एशियाला वोतुप चर्च दिनतिवा

ज्यल्का २:१-३:२२

कोन्छ्योककी मन्न<sup>१</sup> तेरिनो। तमा तीला ड मिड सम्बा टिवु दो कर्मु यी साड तेरिनो। सुला ती दो ति थोष्किवे, तीकी तिराड ती दोला टिवु मिड ति हाक्कोकिवी।”

### थिआटीराकी चर्चला टोङ्गु बिन्दुप

१८ “थिआटीराला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

‘दी ताम्डे ति मे बरुप दोके मिक् ताड काँसा शिनी वो ग्यकुप दोके शाप वोतुप कोन्छ्योककी सेवुकी

सुङ्गुप यिन। १९ ख्योरो काड काड किवी, ख्योरो डला चो डियङ्ज्ये किवी, ख्योरो डला चो तेपा किवी, ख्योरो डला चो शब्ज्यी किवी, तमा ख्युरुड डे थोक्ला हम क्यानी गुनी देकिवी सिरुप ति डला तेरी छ्या वे। येलुड ख्योरो डला गोमाला सिनाड तसाम मड शब्ज्यी किवी सिरुप साड डला छ्या वे। २० यिन्सिनाड ख्योरो तेन्दोकला डे सि गोवु ताम्डे च्यिक वे। ख्युरुड ईजेबेल पुम्पेजी सिक्यावु खला ड्येन्गिनोक। तीकी खुरुड ति

२:१७ मन्नकी कोर्ला प्रस्थान १६:३१-३३ ला ल्हासिन गिवी।

नम्रर शेतुप यिन सिनी सिनोक, यिने डला शब्ज्यी कितुपतिवाला ति शम्डेन कितुप ताड कुतिवाला पुलुप समा सोसिन गिवी सिनी लोप्किनोक। २१डे तीला दिक्पा नेसुर ग्युरुपला तुजे बिनिन, यिने तीकी शम्डेन कितुप नेसुर नाम्साड सेम माग्युर। २२तुक क्यानी ड तीला छासे क्यानी ना ज्यितिनो। तीकी मुला शम्डेन कितुपतिवी दिक्पा कितुप नेसुर सेम माग्युसुड सिनिसिन तिवाला छासे छेटाड ताड दुक्पा इयेकितो। २३तुक राड क्यानी तीकी पुज्युडपुमतिवाला साड शि ज्यितिनो। तमा मी तेरीकी सेम ताड नासाम हाक्कोवु ति ड राड यिनोक सिनी चर्च तेरीकी हाक्कोकितो। तमा ड ख्यिराडला लाका ल्यामु क्यावुतिवाला छ्यक्तक ल्यामु तेरिनो, लाका मेलोवा कितुपतिवाला पचर्या तोड्यिनो। २४यिने थिआटीराला वोतुप मीतिवी पर्ला ख्यिराड ईजेबेल पुम्पेजी सिक्पावु खला माड्येन्नी शैतानकी छ्याकला वोतुप हाक्को मुथुपुप ताम्डेला मुयुकुपतिवाला ति ड काड साड यम्बा क मेतेर्तो। २५यिने ड वुड्दा सेक ख्यिराडला वोतुप येन्देनला ल्यामु क्यानी देता। २६सी शैतानकी

ओड्ज्येनला ग्येल्लिगे, सी ड वुड्दा सेक डे नोवाला वोतुप ति तेरी क्यानी देकिवे, तीला डे पपा कोन्छ्योककी डला ओड्ज्येन नड्गुप दोके क्यानी ड लुड्बा लुड्बाकी मीतिवी खला ग्येला कितुप ओड्ज्येन तेरिनो।

२७ तमा तीकी मीतिवाला च्याड्युड थ्वोनी ठिम कितो।

मी दुक्टातिवाला थली नेक्कोक पुर्मा पुर्मा जोवु दोके क्यानी ना तोड्गितो।\*

तुक कितुप ओड्ज्येन ति डला साड डे पपा कोन्छ्योक नेमा थोप्नी वे। २८ड तीला टोपकी कर्मा साड तेरिनो। २९कोन्छ्योककी थु चाड्माकी चर्चतिवाला दुक सुड्नी वे। सी ल्यामो क्यानी हाक्कोवु नोकिवे, तीकी ल्यामो क्यानी इयेन्शी।”

### सार्डिसला वोतुप चर्चला टोड्गु बिन्दुप

३ “सार्डिसला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

“दी ताम्डे ति कोन्छ्योककी थु दिन ताड लाक्पा यावाला कर्मा दिन वोतुप तीकी सुड्गुप यिन। ख्योरो लाकातिवा डला छ्या

२:२३ ती पुज्युड पुमतिवी तेन्दोक ति तीकी येन्देनला इयेन्नी युक्प मीतिवा यिन।

२:२७ भजन २:६

वे। मीतिवी थोङ्दाडला ख्यिराड सेन्बु वोतुप थोङ्सनाड ख्यिराड ति शिन वे। २तुक क्यानी ख्यिराड लोसा, तमा ख्यिरा मुला तेपा चेयी तिराड लुनी शेष दोके गलुप तेपा ति रम्बु जो। च्यिलासिसिन ख्योरो क्यावु लाकातिवा ति डे कोन्छ्योककी थोङ्दाडला तेरी माछेवे। ३ती तप्की गोमाला ख्योरो लापुप ताड थोवु ताम्डे ति नासाम तोड। तमा तीला ड्येन्नी दिक्पा ने ग्युर। ख्युरुड मालासिन ड ख्यिरा हाक्माकोवा क्यानी शाक्क्येक वुड्यिनो। ड चो पेला गिवी सिरुप तुजे ति ख्यिरा हाक्मोकोतो। ४यिने सार्डिसला वोतुप ख्यिरा पर्ला तेपा कितुपतिवा ललाइ ललाइ ति मज्याला टेमा माछ्यावु दोके खोप्राड मिजी ति मेटेड्बु माजो वे। तिवा डे मुला राड मज्या कर्मु कोन्नी युक्किवी, च्यिलासिसिन तिवा तुक कि छ्योवु वे। ५सी शैतानकी ओङ्ज्येन खला ग्येल्लिगे, तीकी मज्या कर्मु कोन्निवी। तमा ड तीकी मिड ति नाम्साड मिशिवु मिजीकी थेष नेसुर नाम्साड मेसेतो। तमा तीला ड डे पपा कोन्छ्योक ताड खोकी लेन क्योलुपतिवी चिप्ला डे मी यिन सिनी सिरिनो। ६कोन्छ्योककी थु चाङ्माकी चर्चतिवाला दुक सुङ्नी वे। सी ल्यामो क्यानी हाक्कोवु नोकिवे, तीकी ल्यामो क्यानी ड्येन्शी।”

## फिलाडेल्फियाकी चर्चला टोङ्गु बिन्दुप

७“फिलाडेल्फियाला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

‘चाङ्मा ताड टेङ्बु वोतुप तीकी सुङ्गुप यिन। तीकी लोला दाऊदकी ग्येसाकी गो बेतुप लिमी वे। सी साड तीकी पेतुप गो ति च्ये मुथुपी, याङ्ना सी साड तीकी च्येतुप गो ति बे मुथुपी। ८ख्योरो लाकातिवा डला छ्या वे। ल्होसा, ख्योरो चिप्ला डे गो पेनी ज्याड वे, ती गो ति सी साड च्ये मुथुपी। ख्युरुडला डार अला मेसिनाड डे सुडला सिक्पावु दोके मिजी क्याड वे, तमा डे मिड हाक्माको सिनी सिमाक्या वे। ९दी ताम्डे ति ल्यामु ड्येना, खोप्राड ति यहूदी यिन सिनी सिरुप शैतानकी छोक्पाकी मीतिवा वे। तिवा ति यहूदीतिवा मिन, जिनोक जोप मीतिवा यिन। तिवाला ड ख्योरो काङ्बी वोक्ला वानी शावा कितुप जोयिनो। तमा ख्युरुडला डे ड्यिङ्ज्ये क्यावु नोक सिरुप ति तिवी हाक्कोकितो। १०ख्योरो डे कला ड्येन्नी हम क्या देसुड। ती तप्की जम्बुलिङ्की मीतिवा तेरीला खोक्पा ल्हापला छेटाड ख्येल वुङ्गुप पेला ड ख्युरुडला ती छेटाड नेसुर ज्होकिनो।

११ ल्होसा, ड डमु राड वुडियनो। ख्योरो डला क्यावु तेपा ति ज्होकनी ज्योक। तमा ख्युरुडला डे तेरिन सिक्कावु छ्यक्तक ति सी साड ठोक मुथुप्तो। १२ सी शैतानकी ओङ्ज्येनला ग्येल्लिगे, तीला ड डे कोन्छ्योककी ल्हडाडकी थोकला कज्यु दोके जोयिनो। ती कज्यु ति नरी ते राड लुकितो। तमा ती कज्युला डे कोन्छ्योककी मिड ताड यरूशलेम सम्बाकी मिड साड टिकिनो। ती यरूशलेम सम्बा ति डे कोन्छ्योक ज्युवु देवाच्येन नेमा वुडिगतो। तमा ती कज्युला डे मिड सम्बा टिकिनो। १३ कोन्छ्योककी थु चाङ्माकी चर्चतिवाला दुक सुङ्नी वे। सी ल्यामो क्यानी हाक्कोवु नोकिवे, तीकी ल्यामो क्यानी ड्येन्शी।”

### लाउडिकियाकी चर्चला टोङ्गु बिन्दुप

१४ “लाउडिकियाला वोतुप चर्चला ल्हटे कितुप देवाच्येनकी लेन क्योलुप थुला दी ताम्डे ति टिसा।

‘दी ताम्डे ति आमिन वोतुप तीकी सुङ्गुप यिन। खो ति कोन्छ्योककी कोर्ला खोङ्तेर्मु क्यानी पङ्बु टेङ्बु तेरुप यिन। तमा खो नेसुर राड कोन्छ्योककी तेरी जम्बुलिङ ज्ये नङ्गुप यिन।

१५ ख्योरो काड काड लाकातिवा क्या वे सिरुप ति डला तेरी

छ्या वे। ख्युरुड टङ्गा साड मे, छेन्दी साड मे। ख्युरुड की छेन्दी वुड गोकिवी, की टङ्गा वुड गोकिवी। १६ ख्युरुड टङ्गा साड मे, छेन्दी साड मे। मुक्चे वे। ती तप्की ड ख्युरुडला डे ख नेमा तेन तोडियन। १७ ख्यिरा याड ड छ्युक्पु वे, डला नोर टोड्बा बडी वे, डला काड साड मोगोवी सिवी। यिने ख्युरुडला छ्या मे, ख्युरुड याड दुक्पा ड्येतुप ताड ल्हासिनाड ड्यिङ्ज्ये लङ्गुप ताड पेराङ्बु ताड मिक् मोथोङ्गुप ताड पेटुङ्बा गल वे। १८ तुक् क्यानी ड ख्युरुडला टोङ्गु तेरिन, ख्युरुड छ्युक्पु डोप गा वोसिन, डे नेसुर मेला ज्हेनी डोमा जोवु सेर ड्यो। तमा डोछा लङ्गुप ताड पेटुङ्बा वोतुप जु उपुपला मज्या कर्मु ड्योनी कोन। ख्योरो मिक् थोड थुपुपला मिक्ला मेन ड्योनी कु। १९ सुला ड ड्यिङ्ज्ये किवे, तीला वोरु साड दैनिन, तमा ल्यामु जोपला छ्येर्पा साड तेरिन। तुक् क्यानी ख्यिराड मड टेमु क्यानी दिक्पा ने ग्युर। २० ल्होसा, ड मे फिला लानी डक डक ग्यकिनो। सी डे वोरु थोनी गो बेक्किवे, ड ती नाङ्ला शुनी तीकी मुला समा सायिनो। तमा तीकी ड ताड मुला राड समा सेवितो। २१ सी शैतानकी ओङ्ज्येनला ग्येल्लिगे, तीला ड डे ग्येल्लिकला ड ताड मुला

राड देनी ग्येला कि ज्यितिनो।  
डे साड शैतानकी ओङ्ज्येनला  
ग्येल्ली पपा कोन्छ्योककी मुला  
खोकी ग्येल्लिकला देनी वे।  
२२कोन्छ्योककी थु चाङ्माकी  
चर्चतिवाला दुक सुङ्नी वे। सी  
ल्यामो क्यानी हाक्कोवु नोकिवे,  
तीकी ल्यामो क्यानी ड्येन्शी।”

### देवाच्येनला सोवा देकुप

४ ती ज्युक्ला डे ल्हासालेन्सिन  
देवाच्येनला गो च्यिक वोतुप  
थोङ्मुड। ती गो ति तडी नोक।  
थल्माला डे थोवु ग्येलिड पुवु दोके  
वोरु तीकी डला “दे केला शोक।  
ज्युक्ला चुका चुका ताम्डेतिवा  
च्युङ्गिगवी, ती ति ड ख्युरुडला  
लपिन।” सिनी सुङ्मुड। २तमा  
कोन्छ्योककी थु चाङ्माकी डला  
क्येडुनी डे देवाच्येनला ग्येल्लिक  
यी वोतुप थोङ्मुड। ती ग्येल्लिककी  
खला मिरा च्यिक ज्युनोक। ३ती  
ग्येल्लिककी खला ज्यु वोतुप तीकी  
जुजम ति डोर्मु ताड मर्वु वोतुप वो  
ग्यकुप यु दोके थोङ्गिनोक। ती  
ग्येल्लिककी गारी गुरीला वो ग्यकुप  
यु डोर्मु दोके ज्य फुकुप नोक। ४तमा  
ती ग्येल्लिककी गारी गुरीला यम्बा  
ग्येल्लिक खल्लियक ताड ज्यी चोके  
नोक। ती ग्येल्लिक रे रेकी खला गोला  
ग्येल्वी सेरकी उशाक ताड जुला मज्या  
कर्मु कोन्दुप गोमा कितुप मी छ्येतिवा  
देनी नोक। ५तमा ती ग्येल्लिक नेमा

चिलाम ग्यकुप ताड सम्डुक ग्यकुप  
ताड टेक्च्या ग्यकिनोक। तमा ती  
ग्येल्लिककी चिप्ला बाशिड दिन  
चोके च्येनी नोक। ती बाशिड ति  
कोन्छ्योककी थु दिन यिनोक।  
६तमा ग्येल्लिककी चिप्ला शेल दोके  
ठछ्येली थोङ्गुप ग्येम्छो चेङ्गा यी  
नोक।

ग्येल्लिककी छो ज्यीला उ वोतुप  
सेम्ज्येन ज्यी चोके नोक। ती  
सेम्ज्येनतिवी गोमाला ताड तिङ्गुला  
ल्हाप मिक् बडी नोक। ७सेम्ज्येन  
च्यिक ति सेङ्गी दोके नोक। तमा  
सेम्ज्येन ड्यिवा ति लङ्गु दोके नोक।  
तमा सेम्ज्येन सुम्बाकी डोतुड ति मी  
डोतुड दोके नोक। तमा सेम्ज्येन ज्यिवा  
ति फुरिन वोतुप च्यक्युड दोके नोक।  
८ती सेम्ज्येन ज्यिकरकी ति पुशोक  
टुक टुक नोक। तमा ती पुशोककी  
गारी गुरीला ताड जु तेरीला मिक् बडी  
नोक। तिवा ड्यी ताड नुप्य्या दुक  
सिनी लु ला लावा देकिनोक,

“चाङ्मा, चाङ्मा, चाङ्मा!  
चोछ्येवु चोवो कोन्छ्योक,  
खो गोमाला ज्युन वे,  
तमा तसाम साड ज्यु वे,  
ज्युक्ला सेक नरीकी नरी  
ज्युकिवी।”

९ते वोतुप सेम्ज्येन ज्यिकरतिवी  
ग्येल्लिकला ज्यु वोतुप ताड नरी  
डोसु ज्युवु तीला मोवा ताड ताङ्देन  
ताड थुचिछे पुल पुल्ला देकिनोक।  
१०ती पला ते वोतुप गोमा कितुप मी

छ्ये मिरा खल्ल्ज्यक ताड ज्यीतिवा ग्येल्ठिकला ज्यु वोतुप तीकी दोड्ला खवुतुड्मा देनी नरीकी नरी डोसु ज्युवु तीला सोवा देकिनोक। तमा खोपे उशाकतिवा ग्येल्ठिक चिप्ला पिन ज्याक्नी दुक सियी सिक्यासुड,

११ “ओ डियरा चोवो कोन्छ्योक,  
चोवो याड डियरा मोवा ताड  
ताड्देन कि छ्योवु ताड डार  
वोतुप कोन्छ्योक यिन।  
च्यिलासिसिन तेरी च्यालकतिवा  
चोवोकी राड ज्ये नड्गुप  
यिन।

चोवोकी नोवा नेमा ती  
च्यालकतिवा तेरी च्युड्नी  
तिवाला मिजी साड  
नाड्सुड।”

### शुकी बिटप ताड लुक रुककी कोला

५ येलुड ग्येल्ठिकला ज्यु वोतुप तीकी छ्याक यावाला ति फिला नाड्ला यिकी टिवु शुकी बिटप च्यिक वोतुप ति डे थोड्सुड। ती शुकी बिटप ति लज्युर दिन ग्यप्नी ज्याक्नोक। २तमा डे देवाच्येनकी लेन क्योलुप थु रम्बु मिरा च्यिक थोड्सुड। तीकी कशेन वोरु थोर ग्यप्नी “दी लज्युरतिवा तोल्नी शुकी बिटप डोल थुपुप ति सु वे?” सिनी सिक्यासुड। ३यिने देवाच्येनला ताड जम्बुलिडला ताड जम्बुलिडकी वोक्ला ती शुकी बिटप डोलुप ताड ती नाड्ला ल्ह

थुपुप ति सु साड मिन्दुक। ४ती शुकी बिटप डोलुप ताड ती नाड्ला ल्ह थुप छ्योवु ति सु साड माथेन्दुप तप्की ड कशेन डुयिन। ५तमा ते ग्येल्ठिकला देन वोतुप गोमा कितुप मी छ्ये मिरा खल्ल्ज्यक ताड ज्यीकी पर नेमा मिरा च्यिककी डला “ख्युरुड माडु। ल्होसा, यहूदाकी गिपा नेमा ग्येल्वु दाऊदकी गिपाला क्येवु सेड्गी सिरुप मिरा च्यिक ग्येल वे। खोकी दी लज्युर दिनतिवा तोल्नी शुकी बिटप बे थुप्किवी।” सिनी सिक्यासुड।

६तमा ते ग्येल्ठिककी दोड्ला लुक रुक च्यिक लानी नोक। ती ति गोमाला के सेतुप दोके थोड्गिनोक, यिन्सिनाड तन्दा ति सेन्बु राड नोक। तीकी गारी गुरीला सेम्ज्येन ज्यी चोके नोक, तमा सेम्ज्येन ज्यीतिवी गारी गुरीला गोमा कितुप मी छ्ये मिरा खल्ल्ज्यक ताड ज्यी नोक। ती लुक रुक तीकी ति अक्योक दिन ताड मिक दिन नोक। ती मिक दिन ति तेरी जम्बुलिडला तड्गुप कोन्छ्योककी थु दिन यिनोक। ७तमा ती लुक रुक ति वानी ग्येल्ठिकला ज्यु वोतुप तीकी छ्याक यावा नेसुर ती शुकी बिटप ति लासुड। ८ती बिटप ति लासिमा सेन्बु वोतुप सेम्ज्येन ज्यी ताड गोमा कितुप मी छ्ये खल्ल्ज्यक ताड ज्यीतिवा लुक रुककी चिप्ला वानी खवुतुड्मा देसुड। तिवा तेरीकी लकला डम्ड्याड ताड पो क्येड्गुप सेरकी पोकेतिवा खुर्नी नोक। ती पो ति कोन्छ्योकला तेपा कितुपतिवी

क्यावु मोपोर यिनोक। ६तिवा दुक  
सियी लु सम्बा यी लङ्गिनोक,

“ख्युरुड दी शुकी बिटप लङ्गुप  
ताड तीकी लज्युरतिवा तोल  
छ्योवु वे।

ख्युरुड सेतुप यिन,  
यिन्सिनाड शेष ने डोसु लानी  
ख्योरे ठककी गोड तेनी  
कोन्छ्योककी थोक्ला तेरी  
गिपा ताड ग्येताम ताड  
मिरिककी मीतिवा ताड  
लुङ्बाला ड्योसुड।

१० तमा ख्योरे तिवाला खोरो मुला  
राड ग्येला कितुप ताड  
कोन्छ्योककी थोक्ला  
शब्ज्यी कितुप कोङ्यार जो  
नाङ्सुड।

तिवी दी जम्बुलिङला ग्येला  
किवी।”

११ ती पेला बुड छेबुड चोयी  
देवाच्येनकी लेन क्योलुप थुतिवा डे  
थोङ्सुड। तिवा ग्येल्ठिक ताड सेन्बु  
वोतुप सेम्ज्येनतिवा ताड गोमा कितुप  
मी छ्येतिवी गारी गुरीला लानी थोर  
ग्यप्नी दुक सिनी लु लावु ति डे थोसुड,

१२ “सेतुप लुक रुक ति ओड छ्येवु  
ताड छ्युकुपु वोतुप ताड  
रिक्पा वोतुप ताड डार वोतुप  
ताड ताङ्देन वोतुप ताड  
मोवा वोतुप ताड सोवा लड  
छ्योवु वे।”

१३ तमा देवाच्येनला वोतुप तेरी  
ताड जम्बुलिङला वोतुप तेरी ताड

जम्बुलिङकी वोक्ला वोतुप तेरी ताड  
ग्येम्छोला वोतुप उ वोतुप सेम्ज्येन  
थम्ज्येनतिवी दुक सिक्क्यावु ति डे  
थोसुड,

“ग्येल्ठिकला ज्यु वोतुप  
कोन्छ्योक ताड लुक रुकला  
सोवा ताड ताङ्देन ताड  
मोवा ताड ओङ्ज्येन ति  
नरीकी नरी वुङ्शी।”

१४ ती ज्युक्ला ग्येल्ठिककी गारी  
गुरीला वोतुप सेम्ज्येन ज्यिकरकी  
“आमिन” सिक्क्यासुड। तमा गोमा  
कितुप मी छ्येतिवा ति पुमुड सला  
चुनी सोवा तेक्सुड।

### लज्युरतिवा तोलुपकी कोर्ला

६ तमा ती लुक रुक तीकी लज्युर  
दिनकी नाङ्ला लज्युर च्यिक  
ति तोलुप थोङ्सुड। तमा सेन्बु वोतुप  
सेम्ज्येन ज्यीकी नाङ्ला च्यिक तीकी  
सम्डुक ग्यकुप दोके वोरु तेन्नी “दे  
शोक!” सिनी सिक्क्यावु ति डे थोसुड।

२ तमा डे दोङ्ला त कर्मु यी वोतुप  
थोङ्सुड। ती ते खला शेन्दुप तीकी  
लकला दा च्यिक खुर्नी नोक। तमा  
ती ति गोमाला ग्येलुप तप्की तीला  
ग्येल्वुकी उशाक च्यिक कोन्नी  
बिन्सुड। ती ज्युक्ला ती ति मड ग्येला  
कियी गाल्सुड।

३ ती ज्युक्ला येल्ड लुक रुककी  
यम्बा लज्युर ड्यिवा ति तोल्सुड। तमा  
सेन्बु वोतुप सेम्ज्येन ड्यिवा तीकी  
“दे शोक!” सिनी सिक्क्यावु ति डे

थोसुड। ४तमा यम्बा छासे मर्वु वोतुप त च्यिक थेन्सुड। ती तला शेन्दुप तीला जम्बुलिङला थमु लोङ्गुप ओड बिन्सुड। तुक क्यानी जम्बुलिङला मीतिवा च्यिककी च्यिकला सेटी इयेवटी किनोक। तीकी लकला खुर्पा ग्येर्पु च्यिक नोक।

५येलुड ती लुक रुककी लज्युर सुम्बा साड तोल्सुड। तमा सेन्बु वोतुप सेम्ज्येन सुम्बा तीकी “दे शोक!” सिनी सिक्यावु ति डे थोसुड। तमा येलुड डे त नक्पु च्यिक थोङ्सुड। ती त नक्पी खला शेन्दुप तीकी लकला गोरुप ग्येमा च्यिक नोक। ६ती सेन्बु वोतुप सेम्ज्येन ज्यीकी पर्ला दुक सिरुप वोरु यी डे थोसुड, “डियम्ज्यिक लाका क्यावु ल नेसुर ट किलो च्यिक याङ्ना जवु किलो सुम इयो थुष्किवी। यिने जैतुन दोङ्बु ताड गुन्डुम दोङ्बुला ति ना मातोड।”

७येलुड तीकी लज्युर ज्यिवा ति साड तोल्सुड। ती ज्युकला सेन्बु वोतुप सेम्ज्येन ज्यिवा तीकी साड “दे शोक!” सिनी सिक्यावु ति डे थोसुड। ८तमा डे ल्हासियाड त सेर्वु यी साड थोङ्सुड। ती ते खला शेन्दुप तीकी मिड ति “शेप” यिन्नोक। “इयेला”<sup>†</sup> ति तीकी तिड तिङ्गला डिनोक। तमा तिवाला जम्बुलिङ फेकाकी फेका सेककी मीतिवाला खुर्पा ताड ल्होवारे ताड नेजु मेलोकपा

ताड रितकतिवा नेसुर सेतुप ओड बिन्नोक।

९येलुड तीकी लज्युर डवा ति तोल्सुड। तमा ते छोठी वोक्ला कोन्छ्योककी सुड ख्याप्टाक क्यावु ताड खोकी थोक्ला पङ्बु बिन्दुप तप्की सेतुप मीतिवी नम्शिङतिवा वोतुप ति डे थोङ्सुड। १०तिवा ति “ओ चाङ्मा ताड टेङ्बु वोतुप चोछ्येवु चोवो, नम पेला सेक ख्योरे दी जम्बुलिङला लुनी वोतुपतिवाला ठिम क्या नङ्गुप ताड डियराडला सेतुप छ्येर्पा ति मलाङ्गिगी?” सिनी कशेन च्यार ग्यप्सुड। ११तमा ती ज्युकला तिवा तेरीला मज्या कर्मु रे रे बिन्नी दुक सिक्यासुड, “ख्यिरा मुला शब्ज्यी कितुप मीतिवा ताड तेपा कितुप अच्युनुपतिवा साड ख्यिराडला सेतुप दोके तेरी शिनी टङ्गा माछेवा सेक डासोनी देता।”

१२येलुड तीकी लज्युर टुक्पा ति तोल्सुड। तमा सयी ग्येर्पु ग्यप्नी डियमा ति रा नक्पु दोके कशेन नक्तोमी गलुप ताड उला साड ठक दोके मर्वु गलुप ति डे थोङ्सुड। १३तमा अन्जीरकी दोङ्बुला वुर्तुककी योनी माछोवु डेलुतिवा डियलुप दोके क्यानी नामगी कर्मातिवा साड जम्बुलिङला लुम्सुड। १४तमा नाम ति शुकी बिटप टिलुप दोके क्यानी तोक तोर्सुड। तेरी टकतिवा ताड ग्येम्छो पर्ला

६:८ तीकी तेन्दोक ति शेपतिवा लेपुप दासा यिन। ग्रीक ताम्डेला हादेस सिवी।

वोतुप ग्येम्छो परकी स कम्बुतिवा साड दाक दाकपी दासा नेसुर पोनी गाल्सुड। १५ती ज्युकला जम्बुलिङकी ग्येल्बुतिवा ताड लुङ्बाला ग्येला कितुपतिवा ताड मकमी छ्येतिवा ताड मी छ्येकपुतिवा ताड मी छ्येतिवा ताड योकपुतिवा ताड रङ्ज्येन वोपुप मीतिवा तेरी फुक ताड टककी अर्शा उर्शाला यिप्सुड। १६तमा तिवा टक ताड दो ग्येर्पुतिवाला दुक सिक्वासुड, “डियरा खला उप्नी ग्येल्ठिकला ज्यु वोतुप तीकी थोङ्दाड नेसुर ताड लुक रुककी डियर्मु नेसुर डियराडला ज्होक! १७च्यिलासिसिन ग्येल्ठिकला ज्यु वोतुप ताड लुक रुककी पर्च्याकी तुजे ति वा वे। ती पर्च्याला सु साड हम क्यानी दे मुथुपी।”

**बुड च्यिक ताड तोङ्डा खल ड्यी ताड ज्यीकी खला लज्युर ग्यपुप**

७ ती ज्युकला देवाच्येनकी लेन क्योलुप थु मिरा ज्यी जम्बुलिङ ताड ग्येम्छो ताड दोङ्बुतिवाला वुर्तुक मग्यक्शी सिनी जम्बुलिङकी छो ज्यीकी वुङ्गला लानी छो ज्यी नेसुर वुङ्गुप वुर्तुकतिवा क्येक्नी देतुप ति डे थोङ्गुसुड। २तमा यम्बा देवाच्येनकी लेन क्योलुप थु च्यिक डोसु वोतुप कोन्छ्योककी लज्युर खुर्नी शरकी थाका नेसुर जेनी वावु ति डे थोङ्गुसुड। तीकी जम्बुलिङ ताड ग्येम्छोला ना तोङ्गुप ओड वोतुप देवाच्येनकी लेन क्योलुप थु मिरा ज्यीला थोर

ग्यप्नी, ३“कोन्छ्योककी थोकला शब्ज्यी कितुपतिवा टलाला दाकपी लज्युर माग्यपा सेक्ला जम्बुलिङ ताड ग्येम्छो ताड दोङ्बुतिवाला काड साड ना मातोडा!” सिनी सिक्वासुड। ४ते लज्युर ग्यपुपतिवा तेरी इस्राएल गिपाकी मिरिक रे रे नेसुर वावु बुड च्यिक ताड तोङ्गुडा खल ड्यी ताड ज्यी वोतुप ति डे थोसुड। ५ती पर्ला यहूदाकी गिपा नेसुर तोङ्गुडा च्यिङ्गीला लज्युर ग्यप्सुड, रुबेनकी गिपा नेसुर तोङ्गुडा च्यिङ्गीला, गादकी गिपा नेसुर तोङ्गुडा च्यिङ्गीला, ६आशेरकी गिपा नेसुर तोङ्गुडा च्यिङ्गीला, नप्तालीकी गिपा नेसुर तोङ्गुडा च्यिङ्गीला, मनशशेकी गिपा नेसुर तोङ्गुडा च्यिङ्गीला, ७शिमियोनकी गिपा नेसुर तोङ्गुडा च्यिङ्गीला, लेवीकी गिपा नेसुर तोङ्गुडा च्यिङ्गीला, इस्साखारकी गिपा नेसुर तोङ्गुडा च्यिङ्गीला, ८जबूलूनकी गिपा नेसुर तोङ्गुडा च्यिङ्गीला, योसेफकी गिपा नेसुर तोङ्गुडा च्यिङ्गीला, बेन्यामीनकी गिपा नेसुर तोङ्गुडा च्यिङ्गीला लज्युर ग्यप्नोक।

**मज्या कर्मु कोन्दुप मी माङ्छ्योक**

६ती ज्युकला डे ल्हासालेन्सिन डोनी साड डो मुथुपुप मी माङ्छ्योक जोम्नी नोक। तिवा ति तेरी लुङ्बाला ताड गिपा ताड मिरिक ताड ग्येताम कुतुक कुतुक लपुप मी माङ्छ्योक

यिनोक। तमा तिवा ग्येल्ठिक ताड लुक रुककी दोङ्ला मज्या कर्मु कोन्नी लकला खजूरकी येल्का खुर्नी लानी देन्नोक। १० तिवा कशेन थोर ग्यप्नी,

“थर्वा ति ग्येल्ठिकला ज्यु वोतुप दाक्पी चोवो कोन्छ्योक ताड लुक रुक नेसुर गिवी।”

सिनी वोरु तेन्सुड।

११ तमा देवाच्येनकी लेन क्योलुपतिवा तेरी ग्येल्ठिक ताड गोमा कितुप मी छ्येतिवा ताड सेन्बु वोतुप सेम्ज्येन ज्यीतिवी गारी गुरीला लासुड। तमा ग्येल्ठिककी चिप्ला खवुतुड्मा देनी दुक सिनी कोन्छ्योकला सोवा तेक्सुड,

१२ “आमिन!

सोवा ताड मोवा ताड रिक्पा ताड थुचिछे ताड ताड्देन ताड ओड ताड डार ति नरीकी नरी ज्युवु दाक्पी कोन्छ्योककी तिराड यिन।

आमिन!”

१३ ते वोतुप गोमा कितुप मी छ्येतिवी पर्ला मिरा च्यिककी “दी मज्या कर्मु कोन्दुपतिवा सु यिन? कनी नेसुर वावु यिन?” सिनी डला टिसुड। १४ तमा डे तीला दुक सिक्पायी, “चोवो, ख्युरुडला राड छ्या वे।” तमा तीकी दुक सिक्पासुड, “दिवा ति छेटाड ग्येर्पु ने थर्नी वावु यिन। दिवी कोन्दुप

मज्यातिवा लुक रुककी ठकला दुनी कर्मु जोवु यिन। १५ तुक कयानी तिवा कोन्छ्योककी ग्येल्ठिककी चिप्ला वे।

तिवा ड्यी ताड नुप्य्या खोकी ल्हडाडला देनी खोला शब्ज्यी बुल्गिवी।

तमा ग्येल्ठिकला ज्यु वोतुप तीकी तिवी मुला ज्युनी तिवाला ज्होक्टे किवी।

१६ तिवाला येलुड ल्होवा ताड कोम्बा मालाङ्गिगी, तमा ड्यिमा छेन्दी याङ्ना चुका छेन्दीकी साड तिवा मिछिकिवी। \*

१७ च्यिलासिसिन ग्येल्ठिककी पर्ला ज्यु वोतुप लुक रुक ति तिवी गोठाला च्युङ्गिगी।

तमा खोकी तिवाला मिजी तेरुप छ्यी पुडतिवाला क्योल्लिगीवी।

तमा कोन्छ्योककी तिवी मिक्की मिक्च्युर तेरी पिनी तेर्किवी।” \*

लज्युर दिन्बा ताड सेरकी पोकेकी कोर्ला

येलुड लुक रुककी लज्युर दिन्बा ति तोल्सुड। ती पेला ते तो मिसिन छ्युजी फेका सेक देवाच्येन ति कुसुमी देसुड। २ तमा ते

कोन्छ्योककी चिप्ला देवाच्येनकी लेन क्योलुप थु मिरा दिन लानी वोतुप ति डे थोड्सुड। तिवाला ति ग्येलिड रे रे तेसुड। ३ती ज्युकला सेरकी पोके लकला खुरुप यम्बा देवाच्येनकी लेन क्योलुप थु मिरा च्यिक वानी छोठी चिप्ला लासुड। तमा ग्येलिठककी चिप्ला वोतुप सेरकी छोठी खला कोन्छ्योकला तेपा कितुप तेरी मीतिवी क्यावु मोपोरकी मुला देकुपला पो बडी तेसुड। ४ती पोकी तुता ति मीतिवी क्यावु मोपोरकी मुला राड देवाच्येनकी लेन क्योलुप थुतिवी लक ने केला कोन्छ्योककी चिप्ला गाल्सुड। ५ती ज्युकला देवाच्येनकी लेन क्योलुप थु तीकी पोके ति लानी छोठीकी मे ति पोके नाड्ला लुक्नी जम्बुलिडला क्युर्सुड। तमा सम्डुक ग्यकुप वोरु ताड चिलाम ग्यपुप ताड सयी ग्यप्सुड।

### ग्येलिड दिनतिवा

६तेसुर ती ग्येलिड दिन खुरुप देवाच्येनकी लेन क्योलुप थु दिनतिवा ग्येलिड पुतुपला टडिक क्यासुड।

७देवाच्येनकी लेन क्योलुप थु तड्बु तीकी ग्येलिड पुसुड। तमा जम्बुलिडला ठक ज्हेवु सेर ताड मे पाप्सुड। तीकी जोसालेन्सिन जम्बुलिड छो सुमला छो च्यिक ताड दोड्बुतिवा छो सुमला छो च्यिक ताड डोर्मु वोतुप नम्बा तेरीकी चतिवा छिक्सुड।

८येलुड देवाच्येनकी लेन क्योलुप थु डियवा तीकी खोरो ग्येलिड पुसुड। तमा मे बरिन वोतुप टक ग्येर्पु यी ग्येम्छो नाड्ला क्युर्सुड। तमा ग्येम्छो छो सुमला छो च्यिक ति ठकला गाल्सुड। ९तमा ग्येम्छोला सेन्बु वोतुप सेम्ज्येनतिवा छो सुमला छो च्यिक ति शिसुड। टुतिवा साड छो सुमला छो च्यिक ति ना गाल्सुड।

१०येलुड देवाच्येनकी लेन क्योलुप थु सुम्बा तीकी खोरो ग्येलिड पुसुड। तमा नाम नेमा बाशिड च्येतुप दोके कर्मा ग्येर्पु यी जम्बुलिडला पाप्सुड। ती ति चड्बुतिवा छो सुमला छो च्यिक ताड छ्यी पुडतिवा वोतुप दासाला पाप्सुड। ११ती कर्माकी मिड ति “खक्ती” यिन। ती कर्मा लुम्बुप दासाला छ्यु छो सुमला छो च्यिक ति तेरी खक्ती गाल्सुड। तमा ती छ्यु थुड्गुप मीतिवा बडी शिसुड।

१२येलुड देवाच्येनकी लेन क्योलुप थु ज्यिवा तीकी खोरो ग्येलिड पुसुड। तमा डियमा ताड उला ताड कर्मा छो सुमला छो च्यिकला पोप्सुड। तिवी वोसिर छो सुमला छो च्यिक ति नक्तोमी गाल्सुड। तुक क्यानी डियमी दिडगी वोसिर ताड नुपकी वोसिर छो सुमला छो च्यिक ति नक्तोमी गाल्सुड।

१३तमा डे ल्हासालेन्सिन नामला ठ च्यिक फुरिन वोतुप थोड्सुड। तमा तीकी थोर ग्यप्नी “अबुड! काड्ग्या मोताप सुकुप ताम्डे यिन! जम्बुलिडला

देतुप मीतिवाला छासे ज्यिवा लङ्गुप वे। च्यिलासिसिन देवाच्येनकी लेन क्योलुप थु मिरा सुमकी डमु राड पु गोवु ग्येलिडकी वोरु ति तरोड साड लुनी वे।” सिनी सिक्क्यावु ति डे थोसुड।

### डार छ्येवु च्युच्यु पेटिवा

६ येलुड देवाच्येनकी लेन क्योलुप थु डवा तीकी खोरो ग्येलिड पुसुड। तमा नाम नेमा कर्मा च्यिक पापुप ति डे थोड्सुड। ती कर्मा तीला छासे तिङ्मु वोतुप मुक्तुमकी गो बेतुप लिमी ति तेसुड। २ती कर्मा तीकी ती मुक्तुमकी गो ति पेसुड। तमा मे कशेन बरुप नाड ने तुता थेन्दुप दोके थेन्सुड। ती तुताकी जोसालेन्सिन ड्रियमा ताड नाम साड नक्तोमी गाल्सुड। ३ती तुताकी नड नेसुर जम्बुलिडकी खला च्युच्यु पेटिवा बडी थेन्सुड। तिवाला बिच्छीकी दोके मीला फसिमा तुक टम्बुप डार बिन्सुड। ४तमा तिवाला “जम्बुलिडकी च ताड दोड्बु ताड चुशिडतिवाला काड साड ना मातोडा, यिने टली लोला कोन्छ्योककी लज्युरकी त मेतुप मीतिवाला तिराड फेनी छ्येर्पा बिन!” सिनी क बिन्सुड। ५ती च्युच्यु पेटिवाला मीतिवा सेतुप ओड माबिन, यिने ल ड सेक तिराड छेटाड तेरुप ओड बिन्सुड। ती च्युच्यु पेटिवी फेतुप पेला मीतिवाला

बिच्छीकी फेसिन चो छेटाड गिवे, तुकै राड छेटाड गिनोक। ६ती तुजेला मीतिवा शेष नो क्यासिनाड मिशिवी, शेष छल्सिनाड शि मुखुवी।

७ती च्युच्यु पेटिवी जुजम ति मक ग्यक डोपला टडिक क्या ज्यकुप ततिवा दोके नोक। तिवी गोला सेरकी ग्येल्वी उशाक दोके कोन्नी नोक। तमा तिवी डुतुड ति मी डुतुड दोके नोक। ८तिवी ज्ह ति पुम्पेजी ज्ह दोके ताड स ति सेङ्गीकी स दोके नोक। ९तिवी छेकोकला ति च्याकी लिड ग्यप्नोक। तिवी पुशोककी वोरु ति थमु ग्यक डोपला छ्योड्बाल ग्यकुप त ताड तखुरतिवा बडीकी वोरु दोके देन्गिनोक। १०तिवी डमी गोला बिच्छीकी दोके दुड साड नोक। तिवी डमाला मीतिवाला ल ड सेक छेटाड तेरुप डार नोक। ११तमा ती छासे तिङ्मु वोतुप मुक्तुमकी खला ओड्ज्येन कितुप देवाच्येनकी लेन क्योलुप थु तीकी तिवी खला ग्येला किनोक। तीकी मिड ति हिबू ताम्डेला एबाड्डोन ताड ग्रीक ताम्डेला अपोल्लियोन सिनोक।†

१२लुनी वोतुप छेटाड सुमकी नाड्ला थल्माकी छेटाड ति गल सिन्सुड। ती ज्युकला येलुड यम्बा छेटाड ड्रियवा ति लुनी वे।

१३ती ज्युकला देवाच्येनकी लेन क्योलुप थु टुकपा तीकी खोरो ग्येलिड

६:११ तीकी तेन्दोक ति “ना तोङ्गुप मी” सिक्क्यावु यिन।

पुसुड। तमा कोन्छ्योककी दोड्ला वोतुप सेरकी छोठीकी सुर ज्यी नेमा वोरु यी थेन्दुप ति डे थोसुड। १४ती ग्येलिड खुरुप देवाच्येनकी लेन क्योलुप थु टुक्पा तीला “चड्बु ग्येर्पु यूफ्रेटिसला टानी ज्यकुप देवाच्येनकी लेन क्योलुप थु ज्यीला पि तोड!” सिनी सिक्वासुड। १५ती ज्यक्ला ती देवाच्येनकी लेन क्योलुप थु ज्यीतिवा पि ताड्सुड। तिवा ति जम्बुलिडला वोतुप मी छो सुमला छो च्यिक सेतुपला टेके तुजे ताड डियमा ताड ल ताड लोकी थोक्ला टडिक क्या ज्याक्नोक। १६ते त शेन्दुप मक्मीतिवा छेबुड खल ज्यिक चोयी वे सिरुप ति डे थोसुड। १७तमा डे कोन्छ्योक नेमा वावु ज्यल्काला ततिवा ताड ते खला शेन्दुपतिवा थोड्सुड। ती ते खला शेन्दुपतिवी छेकोकला ग्यपुप च्याकी लिड ति मे दोके मर्वु ताड डोन्बु ताड सेर्वु नोक। ती ततिवी गो ति सेड्गीकी गो दोके नोक। तमा तिवी ख नेसुर मे ताड तुता ताड गन्धक थेन्गिनोक। १८तिवी ख नेमा थेन्दुप मे ताड तुता ताड गन्धक तीकी छेटाड सुम नेसुर मी मिरिक छो सुमला छो च्यिक सेसुड। १९च्यिलासिसिन ती ततिवी ख ताड डमाला डार नोक। तिवी डमा ति रुल दोके नोक। ती डमाला गो साड नोक। ती डमाकी गो थ्वोनी मीतिवाला म देन्गिनोक।

२०दुका छेटाड नेसुर मासेनी लुवु मीतिवी खोप्रे लाक्पी क्यावु लाका

नेसुर सेम माग्युर्नोक। तमा तिवी डेतिवाला तेन्दुप ताड, सेर ताड डुल ताड सेर्मु ताड दो ताड शिडगी कुला तेन्दुप क्युर्नी माज्याक। तिवा ति थोड्गुप साड मोथोड्गुप ताड थो साड मुथुपुप ताड युक साड मुथुपुप यिन। २१तोजो तिराड मिन, तिवी खोप्रे क्यावु मी सेतुप ताड जिम्डुल छ्या देन्दुप ताड शम्डेन कितुप ताड कुन कितुप नेसुर सेम माग्युर्नोक।

### देवाच्येनकी लेन क्योलुप थु ताड शुकी बिटप टिक्पे

१० येलुड यम्बा डार छ्येवु देवाच्येनकी लेन क्योलुप थु च्यिक देवाच्येन नेमा पाम वुडियन कितुप ति डे थोड्सुड। तीकी जु ति मुक्पी कोरुप ताड गोला ति ज्य सुकुप दोके नोक। तीकी डुतुड ति डियमा दोके नोक, काड्बातिवा ति कज्यु दोके मे मेलाप नोक। २तीकी लकला पेनी वोतुप शुकी बिटप टिक्पे यी नोक। तीकी काड्बा यावा ति ग्येम्छो खला ताड काड्बा येन्बा ति सला ज्याक्सुड। ३ती ज्यक्ला तीकी सेड्गी वुरुप दोके क्यानी कशेन वोरु तेन्सुड। तीकी वोरु देन्दुप पेला सम्डुक ग्यपुप दोके वोरु थेड्मा दिन थेन्सुड। ४ती सम्डुक ग्यपुप वोरु दिनतिवी वोरु ति मी ताम्डे क्यावु दोके कुतुक कुतुक तेन्सुड। ती पेला ड ति ती ताम्डेतिवा टिकुपला टडिक क्यायी। यिने तोजो पेला राड देवाच्येन नेमा “ती सम्डुक ग्यकुप वोरु दिनतिवी

कोर्ला ति छ्याकला राड ज्योक। ती ति माटिक!” सिरुप वोरु यी डे थोसुड।

५तमा ती डे थोड्गुप ग्येम्छो ताड जम्बुलिडला काड्बा ज्योकुप डार छ्येवु देवाच्येनकी लेन क्योलुप थु तीकी खोरो लाकपा यावा ति देवाच्येन ने लाड्सुड। ६तमा नाम ताड ती नाड्ला वोतुप तेरी च्यालकतिवा ताड, जम्बुलिड ताड जम्बुलिडला वोतुप तेरी च्यालकतिवा ताड, ग्येम्छो ताड ती नाड्ला वोतुप तेरी च्यालकतिवा ज्ये नड्गुप नरीकी नरी डोसु ज्यु वोतुप कोन्छ्योककी मिडला दुक सिनी तीकी थाकछ्येसुड, “तफेन्ला नाम्साड फिमु क्या मनड्गिगवी। ७यिने देवाच्येनकी लेन क्योलुप थु दिन्बा तीकी खोरो ग्येलिड पुतुप तुजेला कोन्छ्योककी खोला शब्ज्यी कितुप लुड्तेम्बातिवाला सुड्गुप खोकी छ्याकला वोतुप ताम्डेतिवा तेरी छेकिवी।”

८तमा येलुड देवाच्येन नेमा गोमाला डे थोवु वोरु तीकी डला “ख्युरुड ग्युक, ग्येम्छो ताड सला लानी वोतुप देवाच्येनकी लेन क्योलुप थु तीकी लकला पेनी वोतुप शुकी बिटप ति लो!” सिनी सिक्क्यासुड। ९तमा ड ति देवाच्येनकी लेन क्योलुप तीकी चाला गल्नी शुकी बिटप टिकपे ति लडियन। तमा तीकी डला “दी ति लानी सो, दीकी ख्योरो खोकपाला खक्ती जेवी,

यिने खला ति राड दोके डर्मु गिवी।” सिनी सिक्क्यासुड। १०ती देवाच्येनकी लेन क्योलुप थु तीकी लक नेमा डे ती शुकी बिटप टिकपे ति लानी सोयी। तमा डे ख ति राड सोवु दोके डर्मु गाल्सुड, यिने सोसिमा खोकपाला ति खक्ती गाल्सुड। ११ती ज्युकला तिवी डला “ख्योरो येलुड मी बडी ताड मिरिक बडी ताड ग्येतामतिवा बडी ताड ग्येल्वुतिवा बडीकी थोकला ज्युकला काड काड च्युड्गिगवी सिरुप कोर्ला नमदर शे गोकितो!” सिनी सिक्क्यासुड।

पड्बु तेरुप मिरा ड्यीकी कोर्ला

११ ती ज्युकला डला तपुप थिक्शिड दोके लकाम च्यिक बिन्सुड। तमा तीकी डला दुक सिक्क्यासुड, “ख्युरुड लानी कोन्छ्योककी ल्हडाडला गल्नी ल्हडाड ताड छोठी ति तोप! तमा ते खोला सोवा देकुपतिवा तेरी टड्गा ग्योप! २यिने ल्हडाड फिला वोतुप लेडाड ति माताप, च्यिलासिसिन ती ति मिरिक कुतुक कुतुककी मीतिवाला बिन्दुप यिन। तिवी तीला ल खल ड्यी ताड ड्यी सेक चाड्मा वोतुप यरूशलेम ग्येसाकी लेप्नी ग्येला किवी। ३तमा ड मिरा ड्यीला पड्बु तेरुप ओड बिन्नी तोडियनो, तिवी भाड्ग्रा कोन्नी! डियमा तोड्डा यी

११:३ ती भाड्ग्रा कोन्दुप तेन्दोक ति दिक्पा ने सेम ग्युरुपकी थोकला यिन।

ताड सयी इयी ताड खल टुक सेक नमदर शेकितो।” ४ती पड्बु तेरुप मिरा इयी ति जम्बुलिङला ग्येला कितुप चोवो कोन्छ्योककी चिप्ला वोतुप जैतुनकी दोड्बु इयी ताड मेलाड इयीतिवा यिन। ५दोजो मी ललाइकी तिवाला ना तोङ्गुप नो क्यासिनाड तिवी ख नेसुर थेन्दुप मेकी तिवी डतिवाला ना तोङ्गिगी। तमा सी तिवाला ना तोङ्गुप नोकिवे, तिवाला तुक राड क्यानी सेकिवी। ६कोन्छ्योककी तिवाला सुड ख्याप्टाक कि मच्यिवा सेक्ला तिवी छ्यर्वा मग्यक्शी सिक्यासिमा छ्यर्वा मग्यप्नी नाम्खर कि ज्यितुप साड तिवाला ओड वे। तमा छ्युला ठक डो ज्यितुप ताड तिवी नो वोतुप पेला जम्बुलिङला नेजु मेलोकपा नम्बा कुतुक कुतुक वुड ज्यितुप साड तिवाला ओड वे।

७तमा ती पड्बु तेरुप मिरा इयीतिवी पड्बु तेरुप लाकातिवा तेरी छेसिमा छासे तिङ्मु वोतुप मुक्तुम नेसुर सेम्ज्येन च्यिक थेन्गिगी। ती सेम्ज्येनकी तिवाला थमु ग्यप्नी तिवी खला ग्येलनी तिवाला सेकिवी। ८तमा तिवी रोतिवा ति ग्येसा ग्येर्पुकी लाम नेवा क्युर्किवी। ती ग्येसाकी मिड ति सदोम याङ्ना मिश्र साड सिनी ज्याड वे। ते तिवी चोवोला साड ग्यङ्गिङला कल्नी सेतुप यिन। ९इयिमा सुम ताड फेका सेक गिपा कुतुककी मीतिवा ताड मिरिक कुतुककी मीतिवा ताड

ग्येताम कुतुककी मीतिवा ताड लुङ्बा लुङ्बाकी मीतिवी तिवी रोतिवाला ल्हेवी। तमा सुला साड ती रो ति मुक्तुम ग्यक मिज्यिगी। १०तमा ती पड्बु तेरुप मिरा इयीला सेतुप थोङ्गिसमा जम्बुलिङकी मीतिवा कशेन गा किवी। तमा तिवी च्यिककी च्यिकला इयेम्बा तेर्टी चेवी। च्यिलासिसिन ती पड्बु तेरुप मिरा इयीतिवी दी जम्बुलिङकी मीतिवाला छासे छ्येर्पा बिन्नोक। ११यिने इयिमा सुम ताड फेका यी ज्युक्ला कोन्छ्योक नेमा वावु मिजीकी उ ति तिवी नाङ्गला शुसुड। तमा तिवी काङ्बा चुनी लासुड। ती थोङ्गिसमा मीतिवा कशेन ज्यिवा क्यासुड। १२तमा देवाच्येन नेमा कशेन थोर ग्यप्नी “दे केला शोक।” सिक्यावु ति ती पड्बु तेरुप मिरा इयीतिवी थोसुड। तमा तिवी डतिवी ल्हयी ल्हयी तिवा मुक्पी पर्ने केला देवाच्येन ने गाल्सुड। १३ती पेला राड सयी ग्यिर्पो यी ग्यप्सुड, तमा ग्येसा छो च्यिथम्बाला छो च्यिक ति तला ग्यप्नी मी तोङ्गडा दिन शिसुड। तमा यम्बा सेन्बु लुवु मीतिवा छासे ज्यिवा क्यानी देवाच्येनकी कोन्छ्योकला मोवा क्यासुड।

१४छेटाड इयिवा ति छेसुड। ल्होसा, त येलुड छेटाड सुम्बा ति वुङ्गियन वोतो।

### ग्येलिङ दिन्बा

१५येलुड देवाच्येनकी लेन क्योलुप

थु दिन्बा तीकी खोरो ग्येलिड पुसुड।  
ती ज्युक्ला देवाच्येन नेमा थोर ग्यप्नी  
दुक सिरुप वोरु यी ग्येर्पु तेन्सुड,

“जम्बुलिडकी ग्येल्खाप ति  
दाकपी चोवो कोन्छ्योक  
ताड खोकी खीष्टकी  
ग्येल्खाप च्युड्सुड।

त खोकी नरीकी नरी ग्येला क्या  
नडिगतो।”

१६ ती ज्युक्ला कोन्छ्योककी चिप्ला  
दाक दाकपी ग्येल्लिकला देतुप गोमा  
कितुप मी छ्ये खल ज्यिक ताड  
ज्यीतिवा सला खवुतुड्मा देनी दुक  
सिनी कोन्छ्योकला सोवा तेक्सुड,

१७ “ओ, गोमाला नेज्यु नरी लुवु ताड  
तन्दा साड ज्यु वोतुप ओड  
छ्येवु कोन्छ्योक,  
डियराड कोन्छ्योकला थुचिछे  
बुलिन।

च्यिलासिसिन कोन्छ्योकला  
ओड ग्येर्पु वे,  
तमा जम्बुलिडला ग्येला कितुप  
गो चुन नाड्सुड।

१८ मिरिक कुतुक कुतुककी मीतिवी  
डियर्मु क्यासुड,  
त चोवो डियर्मु कितुप तुजे ति  
छेसुड।

तमा शेषतिवाला ठिम कितुप तुजे  
साड छेसुड।

तमा चोवोला शब्ज्यी कितुप  
लुड्तेम्बातिवा ताड तेपा  
कितुपतिवा ताड चोवोला  
ज्यिवा कितुप छ्ये छ्युड

तेरीला छ्यक्तक तेरुप तुजे  
साड छे वे।

जम्बुलिड ना तोड्गुपतिवाला  
पच्यर्वा तोड्गुप तुजे साड छे  
वे।”

१९ तमा देवाच्येनला कोन्छ्योककी  
लहडाड पेसिमा ती नाड्ला खोकी  
थाक्छ्येन नड्गुप तेर्गाम ति थोड्सुड।  
ते चिलाम ग्यपुप ताड सम्डुक ग्यकुप  
वोरुतिवा थोसुड। तमा सयी ग्यकुप  
ताड सेर बोम्बु बोम्बुतिवा ग्यप्सुड।

### पुम्पेजा ताड डुक

१२ तमा डे देवाच्येनला हलेवु  
त च्यिक थोड्सुड। ती  
ति काड यिन सिसिन पुम्पेजा मिरा  
च्यिककी मज्या कोन्दुप दोके डियमा  
कोन्नी नोक। तीकी काड्बी वोक्ला  
उला नोक। तमा तीकी गोला ति कर्मा  
च्यिड्डी वोतुप उशाक कोन्नी नोक।  
२ ती पुम्पेजा ति जु च्येन्दी वोतुप  
नोक। तमा जु ठिलुप पेला लेप्नी सुक  
ग्यपुप तप्की कशेन च्यार देनिन नोक।  
३ येलुड डे देवाच्येनला यम्बा त च्यिक  
साड थोड्सुड। ती ति गो दिन ताड  
अक्यर्वाक च्यिथम्बा वोतुप डुक मर्वु  
बोम्बु यी नोक। तीकी गो रे रेला ग्येल्वी  
उशाक रे रे कोन्नी नोक। \* तीकी डमा  
थ्वोनी नामगी कर्मा छो सुमला छो  
च्यिक ति रुनी जम्बुलिडला क्युर्मुड।  
तमा ती पुम्पेजाला आडा केलुड्मे ती  
आडाला मिता तोड्गुप सिनी ती ति  
आडा क्येप छलुप पुम्पेजी चिप्ला

गुनी देसुड। ५ तमा ती पुम्पेजा तीकी लुङ्बा तेरीकी मीतिवाला च्याङ्गुड थ्वोनी च्युरुवु कयानी ग्येला कितुप पुज्युड यी क्येसुड। यिने ती पुज्युड तीला शाक्येक लङ्नी कोन्छ्योक ताड खोकी ग्येल्ठिकला टि गाल्सुड। ६ तमा ती ज्युकला ती पुम्पेजा ति दासा पाङ्थेरी नेवा टोनी गाल्सुड। ते तीला कोन्छ्योककी डियमा तोङ्डा च्यिक ताड सयी ड्यी ताड खल टुक सेक सोपला दासा टडिक कयानी ज्याक्नोक।

७ ती पेला देवाच्येनला मक ल्हासुड। तमा मिखाएल सिरुप देवाच्येनकी लेन क्योलुप थु छ्ये ताड तीकी मक्मीतिवी ती डुककी मुला मक ग्यप्सुड। तमा डुक ताड तीकी मक्मीतिवी साड तिवी मुला मक ग्यप्सुड। ८ यिने ती डुक ताड तीकी मक्मीतिवा तेरी फम्नी तिवा देवाच्येनला देतुप दासा साड माङ्ग्ये। ९ तुक कयानी ती डुक बोम्बु ति देवाच्येन नेमा जम्बुलिङला तेन क्युसुड। ती ति थल्माकी रूल यिनोक। तीकी मिङ ति दुक्टा याङ्ना शैतान यिन। तीकी जम्बुलिङकी मीतिवाला जिनोक जोनी लाका मेलोवा कि ज्यिकिनोक। तीला जम्बुलिङला क्युरुप पेला तीकी मक्मीतिवाला साड तीकी मुला राड क्युसुड।

१० ती पेला देवाच्येनला दुक सिक्वावु वोरु ग्येर्पु यी डे थोसुड।

“ त याड दाक्पी कोन्छ्योककी तेरी मीतिवाला थर्वा नङ्गुप

ताड खोकी डार ताड ग्येल्खाप ताड खोकी पेन नङ्गुप खीष्टकी ओङ्ग्येन ति वा वे।

च्यिलासिसिन तेपा कितुप दाक्पी अच्युनुपतिवाला ड्यी ताड नुप्ज्या कोन्छ्योककी दोङ्गला क्येन तेरुप शैतान ति देवाच्येन नेमा तेन्नी क्युर्नी वे।

११ तेपा कितुप दाक्पी अच्युनुपतिवी थर्वा नङ्गुप लुक रुककी ठक ताड कोन्छ्योककी कोर्ला पङ्बु बिन्दुप सुड नेसुर तिवाला क्येन तेरुप शैतानकी खला ग्येलुप यिन।

च्यिलासिसिन पङ्बु तेरुपला तिवा शिराड गोसिनाड खोप्रे जुकी थोकला पप माक्या।

१२ ती तप्की ओ देवाच्येन ताड देवाच्येनला वोतुपतिवा, ख्यिराड कशेन गा की। यिने जम्बुलिङ ताड ग्येम्छोला वोतुपतिवाला छासे ज्यिवा यिन।

च्यिलासिसिन खुरुड ना डोप तुजे अला मे सिरुप हाक्कोनी शैतान ति छासे डियर्मु कोक्पु लानी ख्यिराड जम्बुलिङला वोतुपतिवी पर्ला गाल वे।”

१३ ती डुक तीकी खुरुड जम्बुलिङला क्युरुप हाक्कोसिमा ती पुज्युड क्येप पुम्पेजा तीला दुक्पा तेरुपला

छाल्सुड। १४ यिने कोन्छ्योककी ती पुम्पेजा तीला डुककी चिप नेसुर दासा पाङ्थेरीला फुर्नी डोपला ठ ग्येर्पुकी नप्शोक ड्यी बिन्सुड। तमा तीला ते लो सुम ताड फेका सेक ती डुक नेसुर ज्होक्नी सोपला टडिक क्या ज्याक्सुड। १५ तमा ती डुक तीकी ती पुम्पेजा तीला ज्ये डोशी सिनी ती पुम्पेजी तिड नेसुर खोरो ख नेमा शोतोक दोके छ्यु कशेन तेन्सुड। १६ यिने डुककी ख नेमा तेन्दुप शोतोककी ती पुम्पेजा तीला ज्ये मोडोशी सिनी से ख पेनी ती छ्यु ति सिम्नी गाल्सुड। १७ ती तप्की डुक ति मड डियर्मु लानी यम्बा लुनी वोतुप पुम्पेजी गिपातिवाला थमु ग्यकुपला गाल्सुड। ती पुम्पेजी गिपातिवा ति कोन्छ्योककी सुडला ड्येन्दुप ताड मीतिवाला येशूकी थोक्ला पङ्बु तेरुपतिवा यिन।

१८ तमा ती डुक ति ग्येम्छोकी गारीला लानी देसुड।

### ग्येम्छो नाड ने थेन्दुप सेम्ज्येन

१३ तमा येलुड ग्येम्छो नाड ने सेम्ज्येन च्यिक थेन्दुप ति डे थोङ्सुड। तीकी ति अक्योँक च्यिथम्बा ताड गो दिन चोके नोक। तमा अक्योँक रे रेला ग्येल्वी उशाक कोन्नोक। तमा ती गो रे रेला कोन्छ्योकला मारे तोङ्गुप मिड टिनी नोक। २ तीकी जु ति जिक दोके नोक। तमा तीकी काङ्बातिवा तोमकी काङ्बा दोके ताड ख ति सेङ्गी ख

दोके नोक। ती डुक तीकी खोरो डार ताड ग्येल्ठिक ताड ओङ्ज्येन ग्येर्पु ति ती सेम्ज्येन तीला बिन्सुड। ३ ती सेम्ज्येनकी गो दिनतिवी नाङ्ला गो च्यिकला ति म कशेन थेन्दुप दोके नोक, यिने ती म ति तोर्नोक। तमा तेरी जम्बुलिडकी मीतिवा हलेवा लानी ती सेम्ज्येनकी तिङ्ला तिङ्ग्यासुड। ४ ती डुक तीकी खोरो ओङ्ज्येन ति ती सेम्ज्येन तीला बिन्दुप तप्की मीतिवी ती डुक तीला तेन्गिनोक। तमा तिवी “दी सेम्ज्येन दोके याड यम्बा काड साड मे। दीकी तेन्दोकला सी थमु ग्यक थुप्किवी रो?” सिनी तीला तेन्दुप छाल्सुड।

५ तमा ती सेम्ज्येन तीला कोन्छ्योकला मारे तोङ्गुप ओङ्ज्येन ताड ल खल ज्यी ताड ड्यी सेक ग्येला कितुप ओङ्ज्येन बिन्सुड। ६ तमा तीकी ख पेनी कोन्छ्योकला मारे ताङ्नी खोकी मिड ताड खो ज्युवु दासा ताड देवाच्येनला वोतुपतिवा तेरीला मारे तोङ्गुप छाल्सुड। ७ कोन्छ्योकला तेपा कितुप मीतिवी मुला थमु ग्यकुप ताड तिवी खला ग्येलुप ओङ्ज्येन साड कोन्छ्योककी तीला नाङ्सुड। तमा तेरी गिपातिवा ताड मीतिवा ताड ग्येतामतिवा ताड मिरिकतिवाला ग्येला कितुप ओड साड नाङ्सुड। ८ तुक क्यानी सेतुप लुक रुककी मिजीकी थेप नाङ्ला जम्बुलिड ज्येङ्गुप गोमाला के मिड टिनी वोतुप मीतिवा मिसिन यम्बा जम्बुलिडला

वोतुप मीतिवा तेरीकी ती सेम्ज्येनला राड ताड्देन किवी।

६सी ल्यामो क्यानी हाक्कोवु नो किवे, तीकी दी ताम्डे ति ल्यामो क्यानी ड्येना।

१० “दोजो सु चोन्खाडला डो गोवु नोके, ती ति चोन्खाडला टिनी डिवी। दोजो सुला खुर्पा थवोनी से गोवु नोके, तीला खुर्पा थवोनी सेकिवी।”\*

तीकी थोकला कोन्छ्योककी गिपातिवा ति हम क्यानी देतुप ताड तेपा रम्बु क्यानी दे गोकिवी।

### से दिड ने थेन्दुप सेम्ज्येन

११ तमा येलुड से दिड ने यम्बा सेम्ज्येन यी साड थेन्दुप ति डे थोड्सुड। ती सेम्ज्येन ति लुक रुककी दोके अक्योक ड्यी वोतुप नोक। तमा तीकी वोरु ति डुककी वोरु दोके तेन्नी ताम्डे लप्किनोक। १२ तीकी गोमाला थेन्दुप सेम्ज्येनकी छापला तेरी ओड्ज्येन किनोक। तमा जम्बुलिड ताड जम्बुलिडकी मीतिवाला साड तीला तेन ज्यिकिनोक। ती सेम्ज्येन ति गोला म थेन्दुप सेम्ज्येन यिनोक।

१३ तमा तीकी मीतिवी थोड्दाडला नाम नेमा जम्बुलिडला मे क्युरूप हलेवु त ग्येर्पु ग्येर्पुतिवा साड छ्या तेन्सुड। १४ गोमाला थेन्दुप सेम्ज्येनकी छापला बिन्दुप ती ओड्ज्येन नेसुर त छ्या

तेन्सिमा जम्बुलिडकी मीतिवाला तीकी जिनोक जोसुड। तमा तीकी गोला म थेन्सिनाड टेकुप सेम्ज्येन तीला मी तेरीकी तेन ज्यितुपला मीतिवाला तीकी कु जो सिनी क बिन्सुड। १५ ती गोमी सेम्ज्येनकी कु तीकी ताम्डे लप्शी, तमा ती कुला मेतेन्दुप मीतिवा तेरी सेशी सिनी ती कुला उ लुकुप ओड साड सेम्ज्येन डियवाला बिन्नोक। १६ तमा तीकी मी छ्ये ताड छ्युडा यिन्शी, छ्युकुप ताड पेराड्बु यिन्शी, योकुप ताड रड्ज्येन वोतुप यिन्शी, तेरीला लाक्पा यावाला याड्ना टली लोला लज्युर ग्यक च्यिसुड। १७ ती लज्युर ति ग्येम्छो नाड ने थेन्दुप सेम्ज्येनकी मिड याड्ना तीकी मिड छ्या देन्दुप अड्दड यिन। ती लज्युर माग्यपुपतिवा ति सु साड चोड्गुप ताड ड्योप मेड्येवु च्युड्सुड।

१८ तीकी थोकला छासे रिक्पा गोकिवी। सी ल्यामु क्यानी हाक्कोवु नोकिवे, तीकी ती सेम्ज्येनकी अड्दडकी तेन्दोक ति हाक्कोशी। दी अड्दड ति मी च्यिकला सिक्यावु यिन। तीकी अड्दड ति ६६६ यिन।

लुक रुक ताड १,४४००० खोला मोवा कितुपतिवा

१४ येलुड डे ल्हासालेन्सिन सियोन पम्दोकला ती लुक रुक ति लानी देतुप थोड्सुड। तीकी

मुला मी बुड च्यिक ताड तोड्डा खल  
 ड्यी ताड ज्यी लानी नोक। तिवी टली  
 लोला थर्वा नड्गुप लुक रुक ताड  
 खोकी पपी मिड टिनी नोक। २तमा  
 देवाच्येन नेमा छ्यु बडी ग्युकुप वोरु  
 दोके ताड सम्डुक ग्युकुप दोके वोरु  
 ग्येर्पु वावु ति डे थोसुड। ती वोरु ति  
 डम्ड्याड टिलुपतिवी डम्ड्याड टिलुप  
 वोरु दोके नोक। ३तमा ते १,४४०००  
 मीतिवी ति ग्येल्लिक ताड सेन्बु वोतुप  
 सेम्ज्येन ज्यी ताड गोमा कितुप मी छ्ये  
 मिरा खल ज्यिक ताड ज्यीकी दोड्ला  
 लानी लु सम्बा यी लासुड। ती लु ति दी  
 जम्बुलिड ने थर्वा ड्येतुप १,४४०००  
 मीतिवी मिसिन यम्बा सी साड लोप  
 मुथुप्नोक। ४ती मीतिवा नाम्साड  
 पुम्पेजी मुला शम्डेन कितुप लाका  
 माक्यानी चाड्मा देतुपतिवा यिनोक।  
 तिवा लुक रुक कनी डिवे, तीकी  
 तिड्ला तिड्योकुपतिवा यिनोक।  
 तिवा ति मीतिवी नाड ने थर्वा ड्येनी  
 कोन्छ्योक ताड लुक रुककी थोकला  
 थल्माकी डेलु दोके च्युड्गुप मीतिवा  
 यिनोक। ५तिवी ख नेमा नाम्साड  
 जिनोक जोप ताम्डे मालापुप ताड  
 क्येन मेतुप नोक।

### देवाच्येनकी लेन क्योलुप थु सुमतिवा

६येलुड यम्बा देवाच्येनकी लेन  
 क्योलुप थु मिरा च्यिक नामगी  
 पर्ला फुरिन वोतुप ति डे थोड्सुड।  
 तीकी मुला जम्बुलिडला वोतुप तेरी

मिरिक ताड गिपा ताड ग्येताम ताड  
 लुड्बाकी मीतिवाला ख्याप्टाक  
 कितुप नरीकी नरी लुवु कोन्छ्योककी  
 लेन ल्यामु नोक। ७तीकी थोर ग्यप्नी  
 “कोन्छ्योकला ज्यिवा किसान, खोला  
 मोवा किसान। च्यिलासिसिन खोकी  
 ठिम कितुप तुजे वा वे। देवाच्येन ताड  
 जम्बुलिड ताड ग्येम्छो ताड छ्यु दोलुप  
 दासा तेरी जो नड्गुप कोन्छ्योकला  
 मोवा की।” सिनी सिक्क्यासुड।

८ती ज्युक्ला येलुड देवाच्येनकी  
 लेन क्योलुप थु ड्यिवा ति गोमी लेन  
 क्योलुप थु तीकी तिड्ला लेसुड।  
 तमा तीकी “ना गाल्सुड! ग्येसा ग्येर्पु  
 बेबिलोन ति ना गाल्सुड! तीकी  
 मिरिक मिरिककी मीतिवा तेरीला  
 गुन्दुम छ्याड थुड च्यिसुड। ती गुन्दुम  
 छ्याड ति ती ग्येसाकी शम्डेन क्यावु  
 तप्की वुड्गुप कोन्छ्योककी ड्यिर्मु  
 यिन।” सिनी सिक्क्यासुड।

९येलुड देवाच्येनकी लेन क्योलुप मी  
 सुम्बा तीकी कशेन थोर ग्यप्नी तिवी  
 तिड तिड्ला दुक सियी लेसुड। “चुका  
 मी तीकी ती सेम्ज्येन ताड तीकी  
 कुला तेन्नी टला याडना लाक्पाला  
 तीकी लज्युर ग्यप वे, १०तिवाला  
 कोन्छ्योककी ड्यिर्मुकी गुन्दुम  
 छ्याड थुड ज्यिकिवी। खो छासे  
 ड्यिर्मु लावु तप्की खोकी छासे क्यानी  
 पर्च्या तोड्गिगी। तमा तिवा चाड्मा  
 वोतुप देवाच्येनकी लेन क्योलुप  
 थुतिवा ताड लुक रुककी दोड्ला  
 मे ताड तुसोककी नाड्ला छेटाड

खुर्किवी। ११तिवाला छेटाड बिन्दुप मे ताड तुसोककी तुता ति नाम्साड मोतोरी। मिरा चोकी ती सेम्ज्येन ताड तीकी कुला ताड्देन क्यानी तीकी मिड वोतुप लज्युर टली लोला ग्यप वे, तिवाला ड्यी ताड नुप्या नाम्साड डासोप मेड्येवी।”

१२तीकी थोकला कोन्छ्योककी कला ड्येन्दुप ताड येथूला तेपा कितुपतिवा डेकला दे गोकिवी।

१३ती ज्युक्का देवाच्येन नेमा दुक सिरुप वोरु यी डे थोसुड, “दी ताम्डे टिसा! तफेन्ला सी चोवो येथूला तेपा क्यानी शिवे, तिवा मोलाम थोपुप यिनो।”

तमा कोन्छ्योककी थु चाङ्माकी दुक सुङ्गिगी, “ती ताम्डे ति टेके यिन। तिवी लाका ल्यामु क्यावु तप्की तिवाला डासोप ड्येकिवी। तिवी क्यावु लाका ति कोन्छ्योककी टेन्सो क्या नङ्गिगी।”

### जम्बुलिङकी सप्ले डकुप पेला लेपुप

१४तमा डे ल्हासालेन्सिन मुक्पा कर्मुकी खला मी सेवु दोके मिरा च्यिक देन वोतुप ति डे थोड्सुड। तीकी गोला ग्येल्वी सेरकी उशाक कोन्नोक। तमा लकला ति छासे नेन्बु वोतुप सोर च्यिक खुर्नी नोक। १५येलुड यम्बा देवाच्येनकी लेन क्योलुप थु च्यिक ल्हडाड नाड नेमा थेन वानी ती मुक्पी खला देन वोतुप

तीला थोर ग्यप्नी “ख्योरो सोर थवोनी सप्ले डो। च्यिलासिसिन जम्बुलिङकी तेरी सप्लेतिवा छोनी डकुप पेला लेम वे।” सिनी सिक्यासुड। १६तमा ती मुक्पी खला देतुप तीकी खोरो लकला वोतुप सोर थवोनी जम्बुलिङकी सप्लेतिवा डासुड।

१७ती ज्युक्का येलुड देवाच्येनला वोतुप ल्हडाड नेमा यम्बा देवाच्येनकी लेन क्योलुप थु यी पाङ्ला थेन्दुप ति डे थोड्सुड। तीकी लकला साड सोर नेन्बु च्यिक नोक।

१८येलुड छोटी नेमा मेला ओड्ज्येन कितुप यम्बा देवाच्येनकी लेन क्योलुप थु च्यिक थेन्नी लेसुड। तमा तीकी ती सोर नेन्बु खुरुप देवाच्येनकी लेन क्योलुप थु तीला थोर ग्यप्नी “ख्योरो सोर नेन्बु थवोनी जम्बुलिङकी गुन्दुम शिड खला वोतुप गुन्दुमतिवा डानी दुम। च्यिलासिसिन जम्बुलिङकी गुन्दुमतिवा तेरी छो सिन वे।” सिनी सिक्यासुड। १९तमा ती सोर नेन्बु खुरुप देवाच्येनकी लेन क्योलुप थु तीकी खोरो सोर थवोनी जम्बुलिङला वोतुप गुन्दुमतिवा डानी दुम्सुड। तमा कोन्छ्योककी ड्यिर्मुकी गुन्दुम छ्याड जोप कोल ग्येर्पुकी नाङ्ला क्युर्मुड। २०ती ज्युक्का देवाच्येनकी लेन क्योलुप थु तीकी ग्येसाकी फिला वोतुप कोल नाङ्ला ती गुन्दुमतिवा लुक्नी चिसिमा ठक तेन्सुड। ती ठक ति ज्यिड्बा सेक तिङ्मु ताड किलोमिटर सयी सुम सेक टाम्सुड।

देवाच्येनकी लेन क्योलुप थु मिरा  
दिन ताड छेटाड दिनतिवा

१५ येलुड डे देवाच्येनला हलेवु  
त गर्पु यी थोड्सुड। ते  
देवाच्येनकी लेन क्योलुप थु मिरा  
दिनतिवा छेटाड रे रे खुर्नोक। तिवा  
ति कोन्छ्योककी तिड्मी छेटाडतिवा  
यिन। च्यिलासिसिन तिवा नेसुर राड  
कोन्छ्योककी पर्चाकी छेटाड ति  
डुप्सुड।

२येलुड ते मे ज्हेवु शेलकी ग्येम्छो  
दोके वोतुप ति डे थोड्सुड। ती  
शेलकी ग्येम्छो गारीला सेम्ज्येन ताड  
तीकी कु ताड तीकी मिडकी अड्टड  
वोतुप तीला ग्येलुपतिवा तेरी लानी  
देन्नोक। तिवा लकला कोन्छ्योककी  
नङ्गुप डम्ड्याडतिवा खुर्नी नोक।  
३तमा तिवा दुक सिनी कोन्छ्योकला  
शब्ज्यी कितुप मोशाकी लु ताड लुक  
रुकला सोवा देकुप लु लडिगनोक।

“ओ डार छ्येवु चोवो

कोन्छ्योक,

चोवोकी क्या नङ्गुप लाकातिवा  
चोछ्येवु ताड हलेवु वे।

चोवोकी क्या नङ्गुप लाकातिवा  
तेरी टेके ताड टेड्बु वे।

चोवो याड नरी ग्येला कितुप  
ग्येल्वु यिन।

४ओ चोवो कोन्छ्योक,  
चोवोला सी ज्यिवा मिकिवी रो?  
सी चोवोकी मिडला मोवा  
मिकिवी रो?

च्यिलासिसिन चाड्मा वोतुप ति  
चोवो तिराड यिन।

मिरिक तेरीकी मीतिवी चोवोला  
राड सोवा बुल्गिवी।

च्यिलासिसिन चोवोकी क्या  
नङ्गुप लाका टेड्बुतिवा  
तेरीकी ठछ्येली थोड्नी  
वे।”

५ती ज्युक्ला येलुड डे देवाच्येनला  
वोतुप कोन्छ्योककी ल्हडाडकी गो  
ति पेतुप थोड्सुड। ती ल्हडाड ति  
इसाएलकी मीतिवा दासा पाड्थेरीला  
वोतुप पेला कोन्छ्योककी मोशाला  
नङ्गुप चाड्मा वोतुप पड्बुकी  
कुर यिन। ६तमा ती ल्हडाड नेमा  
देवाच्येनकी लेन क्योलुप थु मिरा  
दिनतिवा कोन्छ्योककी नङ्गुप  
छेटाड रे रे खुर्नी थेन्सुड। तिवा छासे  
क्यानी चेड्गा ताड वो ग्यकुप मज्या  
कर्मु कोन्नी छेकोक लोला सेरकी करा  
च्यिनी नोक। ७ती सेन्बु वोतुप सेम्ज्येन  
ज्यीकी नाड्ला च्यिककी सेरकी कोरा  
दिन ति देवाच्येनकी लेन क्योलुप  
थु दिनतिवाला तेसुड। ती सेरकी  
कोरा नाड्ला नरीकी नरी डोसु ज्युवु  
कोन्छ्योककी डिर्मुकी क्येङ्गुप  
नोक। ८तमा ते कोन्छ्योककी मोवा  
ताड खोकी डार नेसुर थेन्दुप तुताकी  
कोन्छ्योककी ल्हडाड क्येड्सुड।  
तमा ती देवाच्येनकी लेन क्योलुप थु  
मिरा दिनतिवा ति छेटाड दिनतिवा  
मासिन्दा सेक्ला सु साड ल्हडाड  
नाड्ला शुक् माथुप।

## कोन्छ्योककी डियर्मुकी कोरा दिन

१६ तमा येलुड कोन्छ्योककी ल्हडाड नेमा कशेन थोर ग्यप्नी “ख्यिराड ग्युक, तमा कोन्छ्योककी डियर्मुकी कोरा दिनतिवा लानी जम्बुलिडला पु।” सिनी देवाच्येनकी लेन क्योलुप थु मिरा दिनतिवाला सिक्यावु ति डे थोसुड।

२ तमा देवाच्येनकी लेन क्योलुप थु तड्बु ति लानी खोरो कोरा ति जम्बुलिडला पुसुड। तीकी जोसालेन्सिन सेम्ज्येनकी लज्युर वोतुप ताड तीकी कुला तेन्दुप मीतिवा तेरीकी जुला छासे सुक मेलोवा वोतुप कुर्मुतिवा थेन्सुड।

३ ती ज्युक्ला येलुड देवाच्येनकी लेन क्योलुप थु डियवा तीकी खोरो कोरा ति ग्येम्छो नाड्ला पुसुड। तमा ती ग्येम्छो ति शेष मी ठक दोके गाल्सुड। तमा ग्येम्छो नाड्ला सेन्बु वोतुप सेम्ज्येनतिवा तेरी शिसुड।

४ येलुड देवाच्येनकी लेन क्योलुप थु सुम्बा तीकी खोरो कोरा ति चड्बु ताड छ्यी पुडतिवी खला पुसुड। तमा ती चड्बु ताड छ्यी पुडतिवा तेरी ठकला गाल्सुड। ५ तुक राड कयानी छ्युला ओड्ज्येन कितुप लेन क्योलुप थु तीकी दुक सिक्यावु ति डे थोसुड।

“ओ थल्माला ज्यु वोतुप ताड तन्दा सेक नरी लुवु चाड्मा वोतुप चोवो कोन्छ्योक,

चोवोकी दी ठिम क्या नड्गुप ति छासे टेके यिन।

६ च्यिलासिसिन ती दुक्टातिवी चोवोला तेपा कितुप मीतिवा ताड चोवोकी सुड शेतुप लुड्तेम्बातिवाला सेनी ठक तेन्सुड।

ती ठक ति चोवोकी तिवाला थुड च्यिसुड।

ती ति तिवाला ड्ये गोवु छ्येर्पा यिन।”

७ तमा छोठी नेमा दुक सिक्यावु ति डे थोसुड।

“यिन, डार छ्येवु चोवो कोन्छ्योक।

कोन्छ्योककी ठिम क्या नड्गुप ति वुतुड के टेड्बु ताड टेके यिन।”

८ ती ज्युक्ला देवाच्येनकी लेन क्योलुप थु ज्यिवा तीकी खोरो कोरा ति डियमी खला पुसुड। तमा डियमाला मीतिवा छिकुप डार ड्येसुड। ९ तमा डियमा छेन्दीकी मीतिवा कशेन छिक्सुड। तिवाला छेटाड ख्येल्सिमा तिवी ती छेटाड तेरुप ति कोन्छ्योक राड यिन सिनी खोला मारे ताड्सुड। यिने सेम ग्युर्नी खोला मोवा ति माक्या।

१० येलुड देवाच्येनकी लेन क्योलुप थु डवा तीकी खोरो कोरा ति गोमाला ग्येम्छो ने थेन्दुप सेम्ज्येनकी ग्येल्लिक खला पुसुड। तमा ती सेम्ज्येनकी ग्येल्खाप ति तेरी नक्तोमी गल्नी मीतिवा कशेन छेटाडला ख्येल्ली स

मुर्सुड। ११तिवाला कुर्मु थेन्नी कशेन सुक क्यावु तप्की देवाच्येनला ज्यु वोतुप कोन्छ्योकला मारे ताड्सुड। यिने तिवी खोप्राड क्यावु लाका मेलोवा नेसुर सेम ति माग्युर।

१२तमा देवाच्येनकी लेन क्योलुप थु टुकपा तीकी खोरो कोरा ति युफ्रेटिस सिरुप चड्बु ग्येर्पुकी नाड्ला पुसुड। तमा ती चड्बी नाडगी छ्यु ति तेरी कम्नी शरकी थाका नेसुर वुड्गुप ग्येल्बुतिवी थोकला लाम टडिक क्यासुड। १३ती ज्युक्ला ती डुक तीकी ख नेमा ताड ती सेम्ज्येनकी ख नेमा ताड लुड्तेम्बा मेटेड्बु तीकी ख नेमा बल्वा दोके वोतुप थु मेचेड्गा सुम चोके थेन्दुप ति डे थोड्सुड। १४तिवा ति हलेवु त छ्या देन्दुप डेकी थुतिवा यिनोक। तिवा डार छ्येवु कोन्छ्योक ताड मुला मक ग्यकुपला जम्बुलिडकी ग्येल्बुतिवा तेरीकी ते गल्नी दासा च्यिकला जोम्गिवी। ती मक ग्यकुप तुजे ति कोन्छ्योककी ठिम क्या नड्गुप तुजे ग्येर्पु यिन।

१५“दी ताम्डे ति ल्यामो ड्येना। ड कुर्मेन वावु दोके हाकमाकोवा क्यानी वुड्गिनो। सु च्याड्से क्यानी खोप्रे मज्या कोन्नी टडिक क्या देकिवे, ती ति मोलाम थोपुप यिनो। तुक क्यासिन तिवा मी मिङ्गाला पेटुड्बा साड मुलुवी, डोछाला साड मेख्येल्वी।”

१६ती ज्युक्ला ती थु मेचेड्गा सुमतिवी जम्बुलिडकी ग्येल्बुतिवा तेरी दासा च्यिकला जोम च्यिसुड। ती दासाकी मिड ति हिब्रू ताम्डेला आर-मागेड्डोन सिवी।

१७येल्डु देवाच्येनकी लेन क्योलुप थु दिन्बा तीकी खोरो कोरा ति नामला पुसुड। तमा कोन्छ्योककी ल्हडाडकी ग्येल्लिक नेमा थोर ग्यप्नी “त याड तेरी छेसुड।” सिरुप वोरु यी ग्यप्सुड। १८ती ज्युक्ला चिलाम ग्यकुप ताड कशेन वोरु देन्दुप ताड सम्डुक ग्यकुप ताड सयी ग्येर्पुतिवा ग्यप्सुड। तुका सयी ग्येर्पु ति जम्बुलिडला मी ज्येड्गुप पे नेज्यु तन्दा सेक नामसाड माग्यप। १९तीकी जोसालेन्सिन ते वोतुप चोछ्येर्मु ग्येसा बेबिलोन ति फेका सुम गाल्सुड। तमा लुड्बा लुड्बाकी ग्येसातिवा साड तेरी रम्नी ना गाल्सुड। ती ति कोन्छ्योककी बेबिलोनकी दिक्पा क्यावु नासाम शानी खोकी ड्रियर्मु लावु पर्च्या ति ती ग्येसाला ख्येल च्यितुप यिन। २०तमा ग्येम्छो पर्ला वोतुप ग्येम्छो परकी स कम्बु दासा<sup>१</sup> साड तोर्नी गाल्सुड, टकतिवा साड तानी गाल। २१ती ज्युक्ला नाम नेमा किलो खल ड्यी चोयी वोतुप सेर बोम्बुतिवा मीतिवी गोला पाप्सुड। तुका छेटाड ख्येलुप तप्की मीतिवी कोन्छ्योकला मारे ताड्सुड। च्यिलासिसिन ती

१६:२० ग्येम्छो परकी स कम्बु दासाकी तेन्दोक ति टापू यिन।

सेर ग्यकुप छेटाड ति छासे ज्यिवा लङ्गुप नोक।

### पुम्पेजा छ्येमु ताड सेम्ज्येनकी कोर्ला

१७ ती कोरा दिन खुरुप देवाच्येनकी लेन क्योलुप थुतिवी पर्ला मिरा च्यिक ति डे चाला वानी “दे शोक, ड ख्युरुडला छासे छ्येमु कितुप पुम्पेजा तीला कशेन पचर्या बिन्दुप ति छ्या देनिन। ती ति छ्यु बडीकी खला देनोक।<sup>२</sup>जम्बुलिङकी ग्येल्वुतिवी साड तीकी मुला शम्डेन क्या वे। तमा जम्बुलिङला देतुप मीतिवा साड तीकी मुला शम्डेन क्यानी छ्याडकी जिवु दोके गाल वे।” सिनी सिक्वासुड।

<sup>३</sup>तमा देवाच्येनकी लेन क्योलुप थु तीकी डला कोन्छ्योककी थु चाङ्माकी ओडला दासा पाङ्थेरीला टिसुड। ते गो दिन ताड अक्योँक च्यिथम्बा वोतुप सेम्ज्येन मर्वु यीकी खला शेन्दुप पुम्पेजा यी नोक। ती सेम्ज्येनकी जुला ति कोन्छ्योकला मारे तोङ्गुप मिड बडी टिनी नोक।<sup>४</sup>ती पुम्पेजा तीकी मुक्पु ताड छासे मर्वु वोतुप मज्या कोन्नी सेर ताड गोड नावु यु ताड मोतीतिवा तानी नोक। तीकी लकला सेरकी कोरा च्यिक खुर्नी नोक। ती कोरी नाङ्ला क्युकटो लङ्गुप च्यालक ताड शम्डेन क्यावु मेचेङ्गातिवी क्येङ्नी नोक।<sup>५</sup>तीकी टली लोला छ्याकला

वोतुप हाकमोकोवु मिड च्यिक टिनी नोक। ती मिड ति “छ्येमुतिवा ताड जम्बुलिङकी क्युकटो लङ्गुपतिवी आमा बेबिलोन ग्येसा ग्येपु” सिक्वासु यिन।<sup>६</sup>ती पुम्पेजा ति येसूला तेपा कितुप मीतिवा ताड खोकी थोकला पङ्बु तेरुप मीतिवाला सेतुप ठक थुनी जिन वोतुप ति डे थोङ्मुड।

तीला थोङ्िसमा डला छासे हलेवा लासुड।<sup>७</sup>तमा ती देवाच्येनकी लेन क्योलुप थु तीकी डला सिक्वासुड, “ख्युरुड च्यिला हलेवा किवी? ती पुम्पेजाकी तेन्दोक ताड तीकी शेन्दुप गो दिन ताड अक्योँक च्यिथम्बा वोतुप सेम्ज्येनकी तेन्दोक ति ड ख्युरुडला शेतिन।<sup>८</sup>ती ख्योरो थोङ्गुप सेम्ज्येन ति गोमाला सेन्बु वोतुप यिन, यिने तन्दा ति सेन्बु मे। ती याड शाप मेतुप मुक्तुम तिङ्मु ने थेन्दुप छल वे। थेन्सिमा ती ति ना डिवी। जम्बुलिङ ज्येङ्गुप सिनाड गोमाला नेज्यु मिजीकी थेप नाङ्ला मिड माटि वोतुप जम्बुलिङकी मीतिवा ती सेम्ज्येनला थोङ्िसमा हलेवा किवी। च्यिलासिसिन ती सेम्ज्येन ति गोमाला सेन्बु वोतुप यिन, तन्दा ति सेन्बु मे, यिने ती ति ज्युकला थेन वुङ्गुप छल वे।

<sup>९</sup>तीकी थोकला रिक्पा वोतुप सेम गोकिवी। ती गो दिन वोतुप सेम्ज्येनकी तेन्दोक ति पुम्पेजा छ्येमु देतुप पम्दोक दिनतिवा यिन। ती ति ग्येल्वु दिनतिवा साड यिन।<sup>१०</sup>ती

ग्येल्बु दिनतिवी नाङ्ला मिरा ड चोके ति शिसुड, मिरा च्यिककी तरोड साड ग्येला कियी वे। तमा यम्बा च्यिक ति वुड गोवु वे। ती ति वासिमा तीकी चेयी पर सेक तिराड ग्येला किवी। ११ती सेम्ज्येनतिवा तोङ्ला थेङ्मा यी सेन्बु वोतुप यिन, यिने त याड मे। ती ति ग्येल्बु ग्येवा यिन। ती ति गोमी ग्येल्बु दिनकी नाङ्ला च्यिक यिन। ती ति थेन वासिमा ना डिवी।

१२ख्योरो थोङ्गुप ती अक्योँक च्यिथम्बा ति ग्येल्बु च्यिथम्बातिवा यिन। तिवाला तन्दा सेक साड ग्येल्बु कितुप ओड माङ्ये वे, यिने तिवी ती सेम्ज्येनकी मुला चेयी पर सेक ग्येला कितुप ओङ्ज्येन ड्येकिवी। १३ती ग्येल्बु च्यिथम्बातिवा तेरी सेम च्यिक राड च्युङ्नी खोप्रे ग्येल्बु कितुप ओङ्ज्येन ति ती सेम्ज्येन तीला चेक तेकिवी। १४तिवा लुक रुक ताड मुला थमु ग्यकिवी, यिने लुक रुककी तिवी मुला थमु ग्यप्नी तिवी खला ग्येल्लिवी। च्यिलासिसिन खो ति चोवो खकी चोवो, ग्येल्बी खकी ग्येल्बु यिन। तमा खोकी कताड नङ्गुप ताड खोकी पेतुप खोङ्तेर्मु वोतुप मीतिवा खोकी मुला राड वे।” सिनी सिक्यासुड।

१५ती देवाच्येनकी लेन क्योलुप थु तीकी येलुड डला दुक सिक्यासुड, “ख्योरो थोङ्गुप ती पुम्पेजा छ्येमु देन वोतुप छ्यु ति लुङ्बातिवा ताड मिरिकतिवा ताड गिपातिवा ताड ग्येताम कुतुक कुतुकतिवा यिन।

१६तमा ख्योरो थोङ्गुप ती अक्योँक च्यिथम्बा ताड सेम्ज्येन तीकी ती छ्येमु तीला ड्रियङ्मर क्यानी तीकी मुला वोतुप तेरी ठोनी पेटुङ्बा जोसिमा तीकी श ति सेवी। तमा तीला मे नाङ्ला च्यिनी ज्हेकिवी। १७च्यिलासिसिन कोन्छ्योककी खोरे सुड तेरी माछेवा सेक्ला ती सेम्ज्येनतिवा सेम च्यिक राड च्युङ्नी ग्येला कितुप ओड ति तेरी ती सेम्ज्येनला नाड वे। १८तमा ख्योरो थोङ्गुप ती पुम्पेजा ति जम्बुलिङकी ग्येल्बुतिवा तेरीकी खला ओङ्ज्येन कितुप ग्येसा ग्येर्पु यिन।”

ग्येसा ग्येर्पु बेबिलोन ना गलुप

१८ ती ज्युक्ला येलुड देवाच्येन नेमा कोन्छ्योककी लेन क्योलुप थु यम्बा च्यिक वुङ्जियन वोतुप ति डे थोङ्सुड। ती ति छासे ओङ्ज्येन ग्येर्पु वोतुप नोक। ती नेसुर वुङ्गुप वोसिरकी जम्बुलिङ तेरी ठछ्येली गाल्सुड। २तमा तीकी कशेन थोर ग्यप्नी दुक सिनी वोरु तेन्सुड,

“ती ग्येसा ग्येर्पु बेबिलोन ति ना गाल्सुड!

ती ग्येसा ग्येर्पु बेबिलोन ति ना गाल्सुड!

त याड ती ग्येसाला ज्हेन्डी ताड थु मेचेङ्गा ताड चाङ्मा मेतुप च्यच्युमतिवा ताड चाङ्मा मेतुप ताड क्युकटो लङ्गुप सेम्ज्येन देतुप दासा च्युड वे।

३ च्यिलासिसिन ती बेबिलोन  
ग्येसाकी मीतिवी शम्डेन  
क्यावु तप्की कोन्छ्योक  
नेमा ख्येलुप डियर्मुकी गुन्दुम  
छ्याड ति तेरी मिरिककी  
मीतिवी थुमुड।

जम्बुलिङकी ग्येल्वुतिवी साड ती  
ग्येसाकी मीतिवी मुला शम्डेन  
कितुप लाका मेलोकपा क्या  
वे।

ती ग्येसाकी मीतिवाला गोवु  
च्यालक ख्येमुतिवा छोड  
क्यानी जम्बुलिङकी  
छोड्मेनतिवा साड छ्युकुपु  
गल वे।”

४ तमा येलुङ देवाच्येन नेमा दुक  
सिरुप यम्बा वोरु यी साड तेन्दुप ती  
डे थोमुड।

“ओ डे मीतिवा,  
ख्यिराड तेरी ती बेबिलोन नेमा  
थेन्नी शोक।  
ख्यिराड तिवी क्यावु दिक्पी दला  
माशुक।

मिसियाड तीला ख्येलुप  
छेटाडतिवा ख्यिराडला साड  
ख्येल्गितो।

५ च्यिलासिसिन ती ग्येसाला वोतुप  
मीतिवी क्यावु दिक्पातिवा  
मड मड देवाच्येन सेक लेम  
वे।

तमा तिवी लाका दुक्टातिवा  
कोन्छ्योककी नाम्साड  
माज्ये वे।

६ तुक क्यानी तिवी मी यम्बाला  
काड क्यावे,  
तीला तुकै राड पर्च्या फोकिवी।  
तिवी मी यम्बाला काड मेलोवा  
क्यावे,  
तिवाला ती सिनाड डियग्युर यी  
मड पर्च्या फोकिवी।  
तमा तिवी मी यम्बाला थुड  
ज्यितुपला कोरी नाड्ला  
क्येङ्गुप छ्याड सिनाड  
डियग्युर यी मड कर्मा वोतुप  
छ्याड ति तिवाला क्येङ्गी  
बिन।

७ तिवी चो खुरुड ति  
‘ड तेरी सिनाड छ्ये यिन,  
डला चोयी टोड्बा ति सुला साड  
मे’

सिनी किर्मु क्यावे,  
तोजोयी राड तिवाला छेटाड ताड  
डुप्राडला ख्येल च्यी।  
च्यिलासिसिन बेबिलोनकी सेमला  
‘ड ग्येल्ठिकला देनी ग्येला  
कितुप ग्येल्मु यिन।  
ड याड युक्सिमा मिन।  
डे नाम्साड दुडल कि मोगोवी’  
सिनी सिवी।

८ तुक क्यानी डियमा च्यिकला  
राड ती ग्येसाला नेजु ग्यकुप  
ताड शेष ताड डुप्राड कितुप  
ताड ल्होवारैला डोप दुक्पा  
ड्येकिवी।  
तमा ती ति मेला छिक्नी ना  
डिवी।

च्यिलासिसिन तिवाला ठिम  
कितुप ति ओड छ्येवु चोवो  
कोन्छ्योक यिन।”

६ती ग्येसा छिकुप तुता थोङ्नी  
तीकी मुला शम्डेन कितुप ताड  
तिवी मुला गा ताड किर्मु कितुप  
जम्बुलिङकी ग्येल्वुतिवा सेम्दुक  
लानी डुप्राड किवी। १०ती ग्येसाला  
छेटाड बिन्दुप थोङ्सिमा तिवा ज्यिवा  
लानी थाक्किङ्बुला देनी

“ओए! ओए!

च्यिला डार छ्येवु ग्येसा ग्येर्पु  
बेबिलोनला उकुर च्यिकला  
पर्च्या ख्येलुप यिनाड।”

सिनी ड्येन्बी सोक तोङ्गिगी।

११तमा जम्बुलिङकी छोङ्मेनतिवा  
साड ती ग्येसाकी थोकला सेम्दुक  
क्यानी डुप्राड किवी। च्यिलासिसिन  
तिवी छोङ्की च्यालकतिवा सी  
साड मोङ्गोवी। १२तिवी छोङ्की  
च्यालकतिवा ति सेर ताड डुल ताड  
गोड नावु यु ताड च्युरुक, तमा  
गोड नावु नेडेनकी रातिवा ताड रा  
मुक्पुतिवा ताड बुरा ताड रा मर्वुतिवा,  
तमा तेरी नम्बा कुतुक कुतुककी टी  
जङ्बु वोतुप शिङ्तिवा ताड लङ्बी  
छ्येलकतिवा ताड गोड नावु शिङ्  
ताड काँसा ताड च्या ताड येम्ज्ये,  
१३तमा दालचिनी ताड मसला ताड  
पोराड ताड टी जङ्बु खाप पो ताड टेमा  
जङ्बु खाप मेन, रा गुन्दुम छ्याड ताड  
नुम ताड फे ताड ट, तमा छ्युङ्मातिवा  
ताड लुकतिवा ताड ततिवा ताड

तखुरतिवा, तमा योक्पुतिवा ताड मक  
ग्यप्नी जिम टि वावु मीतिवा यिन।

१४तमा ती छोङ्मेनतिवा दुक सिवी,  
“ओ बेबिलोन ग्येसा, ख्योरो सेमला  
गलुप तेरी शिङ्त्ोकतिवा तोर्सुड।  
ख्योरो टोङ्बा ताड ख्योरो मोवातिवा  
तेरी तोर्सुड। त याड ख्युरुङला ती  
च्यालकतिवा नाम्साड मेङ्ग्येवी।”

१५ती ग्येसाला छोड क्यानी छ्युक्पु  
गलुप मीतिवा ती ग्येसाला छेटाड  
ख्येलुप थोङ्सिमा ज्यिवा लानी  
थाक्किङ्बु गल्नी डुप्राड कियी दुक  
सिनी ड्येन्बी सोक तोङ्गिगी,

१६“ओए ओए ग्येसा ग्येर्पु बेबिलोन,  
ख्युरुङ गोड नावु नेडेनकी रा

ताड रा मुक्पु ताड रा मर्वुकी  
मज्यातिवा कोन्नी सेर ताड  
गोड नावु यु ताड च्युरुक  
तासुड।

१७यिने उकुर च्यिकला राड  
ख्योरो टोङ्बातिवा तेरी ना  
गाल्सुड।”

तेरी टु तोङ्गुप मी छ्येतिवा ताड  
टुला जेकुप मीतिवा ताड टु तोङ्गुप  
मीतिवा ताड ग्येम्छोला लाका  
क्यानी मिजी क्योङ्गुप छोङ्मेनतिवा  
थाक्किङ्बुला लानी १८ती ग्येसा ग्येर्पु  
छिकनी तुता थेन्दुप थोङ्सिमा “ती  
ग्येसा ग्येर्पु दोके याड यम्बा चुका  
ति वोतुपजा।” सिनी वोरु देन्गिगी।

१९तिवा सेम्दुक कियी सिरा दाक  
दाकपी गोला थला लुकनी डुप्राड  
कियी सिरा,

“ओ ग्येसा ग्येर्पु,  
दी ग्येसाकी नोर टोड्बा नेसुर  
ग्येम्छोला टु तोड्गुप मीतिवा  
तेरी छ्युकुपु गाल वे।  
यिने ती ति उकुर च्यिकला ना  
गाल्सुड।

२० ओ देवाच्येनला वोतुपतिवा  
ताड तेपा कितुपतिवा  
ताड लोमा छ्येतिवा ताड  
लुड्तेम्बातिवा,  
ख्यिराड गा की!  
च्यिलासिसिन तीकी ख्यिराडला  
चुक क्यावे,  
कोन्छ्योककी तीला साड तुकै राड  
क्यानी ठिम क्या नाड्सुड।”

सिनी वोरु तेन्सुड।

२१ ती ज्युक्ला डार छ्येवु देवाच्येनकी  
लेन क्योलुप थु मिरा च्यिककी लाकुर  
ग्येर्पु दोके दो च्यिक तेक्नी ग्येम्छो  
नाड्ला क्युरिन सिरा,

“दुक राड क्यानी ग्येसा ग्येर्पु  
बेबिलोन साड डार क्यानी  
क्युर्कितो।

तमा ती ति येलुड नाम्साड  
मोथोड्दो।

२२ तमा डम्ड्याड टिलुपतिवा ताड  
लु लड्गुपतिवा ताड लुमु  
पुतुपतिवा ताड ग्येलिड  
पुतुपतिवी वोरु ति ख्योरो  
नाम्साड मोथोतो।

छोड कितुप च्यालकतिवा जोपला  
खामु वोतुप मीतिवा साड  
ख्योरो ते नाम्साड मोथोड्दो।

लाकुरकी वोरु साड ख्योरो  
नाम्साड मोथोतो।

२३ ती ग्येसाला नाम्साड दिप्लीकी  
वोसिर मेड्गितो।

नमा मक्पा ताड नमाकी वोरु  
साड नाम्साड मोथोतो।

तीकी तेन्दोक ति ती ग्येसाकी  
छोड्मेनतिवा जम्बुलिडकी  
मी छ्येतिवा दोके कितुप  
ताड ती ग्येसाकी मिरिक  
कुतुक कुतुककी मीतिवा  
तेरीला मो ग्यप्नी जिनोक  
जोवु तप्की यिन।

२४ तमा कोन्छ्योककी  
लुड्तेम्बातिवाला सेनी  
ठक तेन्दुप ताड तेपा  
कितुपतिवाला साड  
सेनी ठक तेन्दुप ताड  
जम्बुलिडकी मी तेरीला सेनी  
ठक तेन्दुप ति ती ग्येसा नेमा  
राड थोड्गुप तप्की यिन।”

सिनी सिक्यासुड।

१६ ती ज्युक्ला येलुड देवाच्येनला  
मी माड्छ्योककी कशेन  
वोरु तेन्दुप दोके दुक सिक्यावु ति डे  
थोसुड।

“हल्लेलूयाह!

कोन्छ्योक दाक्पुला थर्वा नड्गुप  
कोन्छ्योक यिन।

खोला तिराड मोवा ताड  
ओड्ज्येन वे।

२ खोकी मी सुला साड ख्ये मापेनी  
ठिम टेड्बु क्या नड्गिगी।

तमा तेरी जम्बुलिङकी मीतिवाला  
खोरो मुला शम्डेन कि च्यिनी  
ना तोङ्गुप छासे छ्येमु तीला  
खोकी पर्च्या नाड वे।

तीकी खोला शब्ज्यी  
कितुपतिवाला सेनी ठक  
तेन्दुप थोक्ला खोकी तीला  
ङ्येन लासुड।”

३ येलुङ तिबी थोर ग्यप्नी,  
“हल्लेलूयाह!  
ती ग्येसा ग्येर्पु ना गलुप तुता  
ति नरीकी नरी येर केला  
डिबी।”

सिनी सिक्वासुड।

४ तमा गोमा कितुप मी छ्ये मिरा खल  
ज्यिक ताड ज्यीतिवा ताड सेन्बु वोतुप  
सेमज्येन ज्यीतिवा खवुतुङ्मा देनी  
ग्येल्लिकला ज्यु वोतुप कोन्छ्योकला  
“आमिन, हल्लेलूयाह!” सिनी  
सिक्वासुड।

### लुक रुककी जेन्दी

५ ती पेला ग्येल्लिक नेमा  
“ओ तेरी कोन्छ्योकला शब्ज्यी  
कितुप मीतिवा ताड खोला  
ज्यिवा कितुपतिवा,  
ख्यिराड छ्ये छ्युडा तेरीकी  
दाक्पी कोन्छ्योकला सोवा  
तेक।”

सिरुप वोरु यी थोसुड।

६ ती ज्युक्ला मी माङ्छ्योक च्यार  
ग्यप्नी वोरु तेन्दुप दोके ताड छ्यु  
बडी ज्युङ्गुप वोरु ग्येर्पु दोके ताड

छासे सम्डुक ग्यपुप दोके वोरु डे  
थोसुड। ती वोरु तीकी

“हल्लेलूयाह!

च्यिलासिसिन चोछ्ये वोतुप  
दाक्पी चोवो कोन्छ्योककी  
दी जम्बुलिङला ग्येला क्या  
नङ्गिगी।

७ दाक्पु गा ताड छासे सेम किर्मु  
क्यानी खोला मोवा कितुप।

च्यिलासिसिन लुक रुककी  
जेन्दीकी तुजे वा वे।

खोकी नमा ति टडिक क्या वे।

८ खोकी नमाकी वो ग्यकुप ताड  
चेङ्गा वोतुप गोड नावु  
नेडेनकी मज्या कोन्नी वे।

ती मज्याकी तेन्दोक ति खोला  
तेपा कितुपतिवी क्यावु  
लाका ल्यामु यिन।”

सिनी सिक्वासुड।

९ तमा ती देवाच्येनकी लेन क्योलुप  
थु तीकी डला दुक सिक्वासुड, “लुक  
रुककी जेन्दीकी डेनला कतङ्गुप  
मीतिवाला मोलाम थोपुप यिनो सिनी  
टिसा।” येलुङ तीकी सिक्वासुड,  
“दी सुड ति कोन्छ्योककी सुड  
टेङ्बु यिनो।” १० ती पेला ती  
देवाच्येनकी लेन क्योलुप थु तीला  
शावा कितुपला ड तीकी काङ्बी  
चिप्ला खवुतुङ्मा देतिन। यिने तीकी  
डला “ख्योरो शावा माकी। ड याड  
येशूकी थोक्ला पङ्बु तेरुप ख्युरुड  
ताड ख्योरो अच्युनपतिवा दोके  
कोन्छ्योककी लावा तिराड यिन।

ख्योरो कोन्छ्योकला तिराड शावा की। च्यिलासिसिन येशूकी थोकला पड्बु तेरुप मी तेरीकी कोन्छ्योककी थु चाड्मा नेमा वुड्गुप ओडला पड्बु तेर्किवी।”

### त कर्मी खला शेन्दुप मी

११ येलुड देवाच्येन सेवु ताड देवाच्येनला त कर्मु यी वोतुप ति डे थोड्सुड। ती ते खला शेन्दुप तीकी मिड ति खोड्तेर्मु ताड टेड्बु सिनी सिवी। खोकी मी सुला साड ख्ये मापेनी ठिम क्या नड्गिनोक। तमा डतिवी मुला मक ग्यकुप पेला साड ठिम टेड्बु क्या नड्गिनोक। १२ खोकी मिड ति मे मेलाप दोके ताड खोकी गोला उशाक बडी कोन्नी नोक। खोकी टली लोला मिड च्यिक टिनी नोक। यिने ती मिड ती खोला तिराड छ्या नोक। १३ खोकी ठकला ड्योवु मज्या कोन्नोक। तमा खोकी मिड ती “कोन्छ्योककी सुड” यिनोक। १४ तमा चेड्गा वोतुप ताड छासे कर्मु वोतुप मज्या कोन्दुप देवाच्येनकी मक्मीतिवा त कर्मु शेन्नी खोकी तिड्ला तिड्यासुड। १५ तमा मिरिक कुतुक कुतुककी मीतिवाला बेपुपला खोकी ख नेमा खुर्पा नेन्बु च्यिक थेन्नी नोक। खोकी च्याड्युड थ्वोनी लुड्बा कुतुककी मीतिवाला ठिम तोड्गिगी। तमा तोरीकी नुम चिरुप कोलला तोरी लुकनी नुम चिरुप दोके चोछ्येवु कोन्छ्योककी पर्च्या कशेन क्यानी

तिवाला तेर्किवी। १६ खोकी मज्या ताड खोकी फिली लोला “ग्येल्वी खकी ग्येल्वु” ताड “चोवो खकी चोवो” सिरुप मिड टि वे।

१७ ती ज्युक्ला येलुड देवाच्येनकी लेन क्योलुप थु मिरा च्यिक ड्रियमी खला लानी देतुप ति डे थोड्सुड। तीकी नामला फुरुप च्यातिवा तेरीला थोर ग्यप्नी “शोक, कोन्छ्योककी डेन ग्येर्पु सापला जोम! १८ तमा ग्येल्वुतिवा ताड मक्मी छ्येतिवा ताड डार वोतुप मीतिवा ताड त ताड ते खला शेन्दुप मीतिवा ताड योक्पु ताड रड्ज्येन वोतुपतिवा ताड छ्ये छ्युडातिवा तेरीकी श ति सो।” सिनी सिक्यासुड।

१९ तमा ती त कर्मी खला शेन्दुप ती ताड खोकी मक्मीतिवी मुला मक ग्यकुपला ती सेम्ज्येन ताड जम्बुलिडकी ग्येल्वुतिवा ताड तीकी मक्मीतिवा तेरी जोम्बुप ति डे थोड्सुड। २० ते ती सेम्ज्येन ताड तीकी दोड्ला हलेवु ततिवा छ्या देन्दुप लुड्तेम्बा मेटेड्बु ड्रियकरला जिम्सुड। ती लुड्तेम्बा तीकी हलेवु ततिवा छ्या तेन्नी मीतिवाला ती सेम्ज्येनकी लज्युर ग्यक ज्यितुप ताड कुला तेन ज्यितुपला लुनोक। तुक क्यानी तिवा ड्रियकरला सेन्बु राड मे कशेन बरुप तुसोककी चो दोके वोतुप ते क्युर्सुड। २१ तमा यम्बा लुवुतिवाला साड ती त कर्मी खला शेन्दुप तीकी ख नेमा थेन्दुप खुर्पा थ्वोनी सेसुड। तमा तिवी श ति नामला फुरुप च्यातिवी डाता सेक सोसुड।

## लो तोड्डा च्यिक

**२०** ती ज्युकला शाप मेतुप मुक्तुम तिङ्मुकी लिमी ताड च्यातक ग्येर्पु च्यिक लकला खुरुप देवाच्येनकी लेन क्योलुप थु मिरा च्यिक देवाच्येन नेमा पाम वावु ति डे थोड्सुड। <sup>२</sup>तीकी ति तोडगी रुल यिन्दुप डुक तीला जिम्नी लो तोड्डा च्यिककी थोकला टासुड। ती डुक तीला डे याङ्ना शैतान साड सिवी। <sup>३</sup>तीला टानी शाप मेतुप मुक्तुम तिङ्मुला<sup>१</sup> क्युर्सुड। तमा लो तोड्डा च्यिक माछेवा सेक मिरिक मिरिककी मीतिवाला तीकी लुतुप मेङ्ग्येशी सिनी ती मुक्तुम तिङ्मुकी गो ति च्येनी तीला लज्युर ग्यप्नी ज्याक्सुड। ती ज्युकला लो तोड्डा च्यिक छेसिमा तिराड तीला चेयी पर सेक पि तोड गोकिनोक।

<sup>४</sup>येलुड गेल्लिकतिवा ताड तिवी खला देतुपतिवाला डे थोड्सुड। तिवाला ठिम कितुप ओड बिन नोक। ते येशूकी कोर्ला पड्बु बिन्दुप थोकला ताड कोन्छ्योककी सुडगी थोकला सेतुपतिवी नम्शिड साड डे थोड्सुड। तिवा ति सेम्ज्येन ताड तीकी कुतिवाला सोवा मेदेकुप ताड ती सेम्ज्येनकी लज्युर टला याङ्ना लाकपी लोला मग्यपुपतिवा यिन। तिवा येलुड सेन्बु लानी ख्रीष्ट ताड मुला राड लो तोड्डा

च्यिक ग्येला क्यासुड। <sup>५-६</sup>शेप ने सेन्बु लावु तड्बु ति दी राड यिन। थल्माला सेन्बु लावु मीतिवा मोलाम थोपुप ताड चाड्मा वोतुप यिन। तिवाला थेड्मा डियवाला शेपकी साड काड कि मुथुपी। तिवा कोन्छ्योक ताड ख्रीष्टकी कोङ्यार च्युङ्नी ख्रीष्ट ताड मुला राड लो तोड्डा च्यिक सेक ग्येला किवी। तमा यम्बा शेपतिवा ति लो तोड्डा च्यिक माछेवा सेक सेन्बु मालु।

## शैतानला ना तड्गुप

<sup>७</sup>लो तोड्डा च्यिक छेसिमा शैतानला टानी ज्युकुप नेसुर पि तोड्गिगी। <sup>८</sup>तमा ती ति जम्बुलिडकी छो ज्यीला वोतुप लुड्बा लुड्बाकी मीतिवाला जिनोक जोपला डिवी। ती लुड्बातिवा ति गोग ताड मागोग यिन। तिवाला लुनी थमु ग्यकुपला तिवा जोम्गिगी। तिवा ति ग्येम्छो गारीकी पेमा सिनाड मड्मु गिगी। <sup>९</sup>तिवा तेरी जम्बुलिडला गल्नी कोन्छ्योकला तेपा कितुप मीतिवा देतुप दासाकी गारी गुरीला ताड खोकी डियङ्ज्ये क्या नड्गुप ग्येसाला चुप्सुड। यिने देवाच्येन नेमा मे क्युर्नी तिवा तेरी ना गाल्सुड। <sup>१०</sup>तमा तिवाला लुतुप डे ति मे ताड तुसोक कशेन वोतुप चो दोके वोतुप ते क्युर्सुड। ते ती सेम्ज्येन ताड लुङ्तेम्बा मेटेड्बुतिवा गोमाला के

२०:३ शाप मेतुप मुक्तुम तिङ्मुला ग्रीक ताम्डेला आबिस साड सिवी।

क्युर्नी नोक। ते तिवी इयी ताड नुज्या नरीकी नरी छेटाड खुर्किवी।

### शेप तिवाला ठिम क्यावु

११ येलुड ग्येल्लिक कर्मु ग्येर्पु यी ताड तीकी खला ज्युवु तीला डे थोड्सुड। तमा खोकी दोड नेमा स ताड नाम ति तोर्नी गल्नी चेयी साड लुनी वोतुप ति माथोड। १२ तमा शेप छ्ये ताड छ्युडातिवा तेरी ग्येल्लिककी चिप्ला लानी देतुप ताड थेपतिवा लोकुप ति डे थोड्सुड। ते यम्बा थेप यी साड लोकसुड। ती ति मिजीकी थेप नोक। ती थेपतिवी नाड्ला टिवु दोके तिवी चुका लाका क्यावे, तुकै राड क्यानी तिवाला ठिम क्यासुड। १३ तमा ग्येम्छोकी ती नाड्ला वोतुप शेपतिवा बिन्सुड, शेप ताड इयेलाकी साड तिवी मुला वोतुप शेपतिवा बिन्सुड। तमा तिवा तेरीला दाक दाक्पी लाका ल्यामु मेलोवा काड क्यावे, तुकै राड ठिम क्यासुड। १४ तमा शेप ताड इयेला ति मेकी चे नाड्ला क्युर्सुड। दी मेकी चो ति शेप डियवा यिन। १५ मिजीकी थेप नाड्ला मिड माटिवुतिवा सुला साड माज्याक्नी ती मेकी चो वोतुप दासाला क्युर्सुड।

### देवाच्येन सम्बा ताड

#### जम्बुलिड सम्बा

२१ तमा डे देवाच्येन सम्बा ताड जम्बुलिड सम्बा थोड्सुड। ते थल्माकी देवाच्येन ताड

जम्बुलिड ति तेरी तोर्नी गाल्नोक, ग्येम्छो साड मोथोड्नोक। २ तमा चाडमा वोतुप यरूशलेम ग्येसा सम्बा ति देवाच्येन नेमा जम्बुलिडला पाप्नी तड्गुप ति डे थोड्सुड। ती ग्येसा ति मक्पा ठेतुपला नमा छ्यावु दोके टडिक क्यावु नोक। ३ ती ज्युक्ला ग्येल्लिक नेमा दुक सिनी वोरु थोर ग्यपुप ति डे थोसुड, “ल्होसा, तफेन्ला कोन्छ्योककी देसा ति मीतिवी मुला गिवी। तमा खो मीतिवी मुला ज्युकिवी। मीतिवा खोकी गिपा च्युडिगवी। खो खुरुड मीतिवी मुला ज्युकिवी, तमा खो ति तिवी कोन्छ्योक च्युडिगवी। ४ खोकी मीतिवी मिक् नेसुर मिक्च्युर तेरी पिनी तेर्किवी। तमा तिवा येलुड नाम्साड मिशिवी। सेम क्योके कितुप ताड डोप ताड दुडल साड मेवी। च्यिलासिसिन ती जम्बुलिडकी ताम्डे डियड्बातिवा तेरी तोर्नी गाल।”

५ तमा ग्येल्लिकला ज्यु वोतुप तीकी डला सुड्सुड। “ल्होसा, त याड ड देवाच्येन ताड जम्बुलिडला वोतुपतिवा तेरी सम्बा जोयिनो।” येलुड खोकी डला सुड्सुड, “दी ताम्डेतिवा टिसा। दिवा छासे खोड्तेर्मु ताड टेड्बु वे।” ६ येलुड खोकी डला सुड्सुड, “त याड तेरी छेसुड। ड अल्फा ताड ओमेगा यिन। तीकी तेन्दोक ति थल्मा ताड तिड्मा ड राड यिन। सु कोम्बा लडिगवे, तिवाला मिजी तेरुप छ्यु दोलुप दासा नेसुर थेन्दुप छ्यु ति तुक राड थुड ज्यितिनो। ७ सी

शैतानकी खला ग्येल्गिबे, तिवाला ती मोलाम ति तेरी थोप्कितो। तमा ड तिवी कोन्छ्योक च्युङ्गितो। तिवा ति डे पुज्युङ्गपुम च्युङ्गितो। ९यिने च्ये ड्यिङ्ग दोके वोतुपतिवा ताड तेपा मिक्विपतिवा ताड क्युकटो लङ्गुप लाका कितुपतिवा ताड मी सेतुपतिवा ताड शम्डेन कितुपतिवा ताड मो ग्यकुपतिवा ताड ल्हलु तेन्दुपतिवा ताड जिनोक जोपतिवा तेरी मे ताड तुसोक बरिन वोतुप ग्येम्छोला क्युर्कितो। दी ति शेष ड्यिवा यिन।”

### यरूशलेम सम्बा

६ती पेला तिङ्मी तुजेला ख्येलुप छेटाड दिनकी क्येङ्गुप कोरा दिन खुरुप देवाच्येनकी लेन क्योलुप थु मिरा दिन डे थोङ्गसुड। तिवी पर्ला मिरा च्यिक ति वानी “शोक, ड ख्युरुडला लुक रुककी पेर्मी यिन्दुप खोकी नमा छ्या देनिन।” सिनी डला सिक्वासुड। १०तमा तीकी डला कोन्छ्योककी थु चाङ्माकी ओङला छासे री थेन्बुकी गोला टिनी कोन्छ्योक ज्यु वोतुप देवाच्येन नेमा चाङ्मा वोतुप ग्येसा यरूशलेम ति मर पपिन कितुप छ्या तेन्सुड। ११ती ग्येसा ति कोन्छ्योककी मोवाकी ठछ्येली गल्नी नोक। ती वोसिर ति ड्यिमा दोके छासे वो ग्यकुप ताड शेल दोके नाङ्ला थोङ्गुप छासे सल्वु नोक। १२ती ग्येसाकी गारी गुरीला दोकर थेन्बु ताड ग्यिर्पो यी ग्यप्नी नोक। ती

दोकरला गो च्यिङ्डी नोक। तमा गो रे रेला ज्हेन्दुप देवाच्येनकी लेन क्योलुप थु रे रे नोक। ती गोला इस्राएलकी गिपा च्यिङ्डीकी मिडतिवा टिनी नोक। १३तमा शरकी थाकाला गो सुम ताड ल्होकी थाकाला गो सुम ताड च्याङ्गी थाकाला गो सुम ताड नुपकी थाकाला गो सुम नोक। १४ती ग्येसाकी दोकरला डम्ज्यी च्यिङ्डी नोक। तमा ती खला लुक रुककी लोमा छ्ये मिरा च्यिङ्डीकी मिड टिनी नोक।

१५तमा डे मुला ताम्डे कितुप तीकी लकला ग्येसा ताड तीकी गोतिवा ताड दोकर ति तपुपला सेरकी थिक्शिड यी खुर्नी नोक। १६ती ग्येसा ति सुर ज्यी नोक। तमा शाड ताड रिङ्गुड ति च्यिकपा राड नोक। ती देवाच्येनकी लेन क्योलुप थु तीकी ती ग्येसा ति ताप्नी ल्हासियाड तीकी शाड ताड रिङ्गुड ताड थुचे ति च्यिकपा राड किलो मिटर तोङ्गा ड्यी ताड सयी ज्यी नोक। १७येलुड ती देवाच्येनकी लेन क्योलुप थु तीकी दोकर ति ताप्सुड। तमा ती दोकर ति मी ताप्नी ल्हावु दोके मिटर खल टुक ताड ड थेन्बु नोक। १८ती दोकर ती बिल्लौर सिरुप यु थ्वोनी जोवु नोक। तमा ग्येसा ति शेल दोके सल्वु थोङ्गुप सेर डोमा थ्वोनी जोवु नोक। १९ती दोकरकी डम्ज्यीतिवा गोड नावु यु नम्बा बडी थ्वोनी जोवु नोक। थल्माकी डम्ज्यी ति बिल्लौर सिरुप यु नेसुर जोवु नोक। डम्ज्यी ड्यिवा ति

नीर सिरुप यु नेसुर जोवु नोक। डम्ज्यी सुम्बा ति हरित सिरुप यु नेसुर जोवु नोक। डम्ज्यी ज्यिवा ति पन्ना सिरुप यु नेसुर जोवु नोक। २० डम्ज्यी डवा ति आनिक्सा सिरुप यु नेसुर जोवु नोक। डम्ज्यी टुक्पा ति लालमणि सिरुप यु नेसुर जोवु नोक। डम्ज्यी दिन्बा ति पीतमणि सिरुप यु नेसुर जोवु नोक, डम्ज्यी ग्येवा ति बेरूज सिरुप यु नेसुर जोवु नोक। डम्ज्यी गुवा ति पुष्पराज सिरुप यु नेसुर जोवु नोक। डम्ज्यी च्युवा ति लसुने सिरुप यु नेसुर जोवु नोक। डम्ज्यी च्युच्यिक ति नीलमणि सिरुप यु नेसुर जोवु नोक। डम्ज्यी च्यिङ्डी ति कटेला सिरुप यु नेसुर जोवु नोक। २१ ती गो च्यिङ्डीतिवा ति मोती च्यिङ्डी नेसुर जोवु नोक। तमा गो रे रेला मोती रे रे जोनी नोक। ती ग्येसाकी लामतिवा ति शेल दोके सल्लु थोङ्गुप सेर डोमा थ्वोनी जोवु नोक।

२२ ती ग्येसाला कनी साड ल्हडाड माथोड। च्यिलासिसिन तेकी ल्हडाड ति डार छ्येवु चोवो कोन्छ्योक ताड खोकी सेवु लुक रुक राड यिनोक। २३ ती ग्येसा ति ठछ्येली जोपला ड्रियमा उला काड साड मोगोनोक। च्यिलासिसिन कोन्छ्योककी मोवाकी राड तेकी ग्येसा ति ठछ्येली डिनोक। तमा ते ठछ्येली जोप दिप्ली ति लुक रुक राड यिनोक। २४ जम्बुलिडला वोतुप मिरिक कुतुक कुतुककी मीतिवा ती ठछ्येलीला युकिवी।

तमा जम्बुलिडकी ग्येल्वुतिवी साड खोप्रे मोवा ति ते खुर्नी वुङ्गिगी। २५ ती ग्येसाकी गोतिवा ड्रियमा काड नाम्साड मेच्येवी। च्यिलासिसिन ते नाम्साड नाम मोल्होवी। २६ मिरिक कुतुककी मीतिवी खोप्रे मोवा ताड ताङ्देन ति ती ग्येसाला खुर्नी गिनोक। २७ यिने लुक रुककी मिजीकी थेपला मिड टिवुतिवा मिसिन यम्बा चाङ्मा मेतुप ताड क्युकटो लङ्गुप ताम्डे कितुप ताड जिनोक जोपतिवा ती ग्येसाला नाम्साड शुक मुथुनोक।

### मिजीकी चड्बु

२२ येलुड देवाच्येनकी लेन क्योलुप थु तीकी डला शेल दोके सल्लु वोतुप मिजीकी चड्बु च्यिक छ्या तेन्सुड। ती चड्बु ति कोन्छ्योक ताड लुक रुककी ग्येल्लिक नेमा थेन्नी २ ती ग्येसाकी लामकी पर नेमा ग्युकिनोक। तमा ती चड्बी फला छुला मिजीकी दोड्बु नोक। तीला ल टेड डेलु नम्बा रे रे गोर्किनोक। तमा लो च्यिकला नम्बा च्यिङ्डी डेलु गोर्किनोक। तीकी शोमाक ति मिरिक नम्बा कुतुक कुतुककी मीतिवाला टेक ज्यितुप मेन यिनोक। ३ ती ग्येसाला नाम्साड कोन्छ्योककी मोताप मिन्दुक। ते कोन्छ्योक ताड खोकी लुक रुककी ग्येल्लिक नोक। तमा खोला शब्ज्यी कितुप मीतिवी खोला सोवा बुल्गिनोक। ४ तिवी कोन्छ्योककी

शाल ति थोङ्गिगी। तमा खोकी मिड ति टली लोला टिवु नोक। ५ते नाम्साड नाम मोल्होनोक। तिवाला दिप्ली ताड डियमी वो साड मोगोनोक। च्यिलासिसिन चोवो कोन्छ्योक ति तिवी थोक्ला वोसिर यिनोक। ते तिवी नरीकी नरी ग्येला किनोक।

### येशू येल्डु फेपुप कोर्ला

६ती ज्यक्ला देवाच्येनकी लेन क्योलुप थु तीकी डला दुक सिक्यासुड, “वुतुड के ख्योरो थोवु सुडतिवा तेरी खोङ्तेर्मु ताड टेड्बु वे। लुङ्तेम्बातिवाला खोरे थु नङ्गुप चोवो कोन्छ्योककी खोरुडला शब्ज्यी कितुपतिवाला डमु राड तेन्तेन च्युङ्गुप ताम्डेकी कोर्ला हाक्को ज्यितुपला खोरे लेन क्योलुप थुतिवा ताडसुड।”

७येशूकी सुङ्नी वे, “ल्होसा, ड डमु राड वुङ्गिनो। दी थेप नाङ्गला टिवु लुङ्तेम्बातिवी सुडला सिक्यावु दोके ड्येन्दुपतिवाला मोलाम थोप्कितो।”

८दी ताम्डेतिवा तेरी थोवु ताड थोङ्गुप ति ड यूहन्ना यिन। ती तेरी थोङ्गुप ताड ल्हा सिन्सिमा दी ताम्डे छ्या देन्दुप देवाच्येनकी लेन क्योलुप थु तीला शावा कितुपला ड खोकी काङ्बी चाला खवुतुङ्मा देतिन। ९यिने तीकी डला “ख्योरो डला दुक क्यानी शावा कितुप मेवी। ड साड ख्युरुड ताड ख्योरो अच्युनुप लुङ्तेम्बातिवा ताड दी थेपला वोतुप सुडला युक्पतिवा दोके

कोन्छ्योककी लावा तिराड यिन। तुक क्यानी कोन्छ्योकला तिराड शावा की।” सिनी सिक्यासुड। १०येल्डु तीकी डला दुक साड सिक्यासुड, “दी थेप नाङ्गला वोतुप नम्रर शेतुप सुड ति बानी माज्योक। च्यिलासिसिन त याड तुजे वानी साड वे। ११तुक क्यानी लाका दुक्टा कितुपतिवा ति लाका दुक्टा राड किशी, क्युकटो लङ्गुप लाका कितुप ति क्युकटो लङ्गुप लाका राड किशी, टेड्बु कितुपतिवा ति टेड्बु राड किशी, तमा चाङ्मा वोतुपतिवा ति चाङ्मा राड देशी।”

१२येशूकी दुक सुड वे, “ल्होसा, ड डमु राड वुङ्गिनो। ड वासिमा सु सुकी लाका ल्यामु मेलोवा क्यावे, तिवाला तिवी क्यावु लाकाकी छ्यक्तक ति तेरिनो। १३ड ति अल्फा ताड ओमेगा, थल्मा ताड तिङ्मा, जम्बुलिङ्की गोमा नेज्युनी नरीकी नरी लुवु यिनो।”

१४मिजीकी दोङ्बी डेलु थोपुप ताड ग्येसाकी गे नाङ्गला शुकुप ओड थोपुपला खोप्रे मज्या टुवु दोके क्यानी सेम टेड्बु जोपतिवा मोलाम थोपुप यिनो। १५यिने ग्येसाकी फिला ति की दोके मेलोवा ताड जिम्डुल छ्या देन्दुपतिवा ताड शम्डेन कितुपतिवा ताड शेन्बातिवा ताड ल्हलु तेन्दुपतिवा ताड जिनोक जोप ताड जिनोकला गा कितुपतिवा तिराड युकिवी।

१६“ड येशू यिन, डे राड दी ताम्डेतिवा चर्चतिवाला पङ्बु तेरुपला डरा लेन क्योलुप थुतिवा तिवी ते

तङ्गुप यिन। ड ग्येल्बु दाऊदकी गिपा  
नेसुर वावु मी यिन, टोपला शरुप वो  
ग्यकुप कर्ज्याड साड यिन।”

१७ कोन्छ्योककी थु चाड्मा ताड  
नमाकी दुक सुङ्गिगी, “फेप!” सी दी  
ताम्डे थोकिवे, तीकी साड “फेप!”  
सिनी सिशी। सुला कोम्बा लङ्गिगे, ती  
ति वुङ्गी। सी मिजीकी छ्यु थुङ्गुप  
नोकिवे, तीला तुक राड थुङ्गी।

### तिङ्मी टोङ्गु

१८ दी थेपकी नाङ्ला वोटुप नमदर  
शेतुप सुड थोवु मीतिवा रे रेला ड  
दी ताम्डे ति छासे कयानी सिरिन।  
दोजो सी दी थेपकी नाङ्ला टिवु

ताम्डेला ल्हक्पा ज्याक्सिन तीला  
दी कोन्छ्योककी थेप नाङ्ला टिवु  
पर्च्यातिवा ख्येल ज्यिकिवी। १९ येलुड  
सी दी नमदर शेतुप सुडला चेयी  
ड्युङ्मु ज्याक्सिन तीला दी थेपकी  
नाङ्ला टिवु कोन्छ्योककी मिजीकी  
दोङ्बी डेलु ति ठोनी चाड्मा वोटुप  
ग्येसा नेसुर तीला ड्येतुप ति ठोकिवी।  
२० दी ताम्डेकी पङ्बु तेरुप तीकी  
दुक सुङ्गिगी, “वुतुड के ड डमु राड  
वुङ्गिनो।”

आमिन चोवो येशू फेप!

२१ चोवो येशूकी कटिन ति तेपा  
कितुपतिवा तेरीला थोप्शिता।  
आमिन।

